

欽定古今圖書集成

方輿彙編職方典



欽定古今圖書集成方輿彙編職方典

第六百二十九卷目錄

嘉定州部彙考三

嘉定州戶口考

嘉定州田賦考

嘉定州風俗考

嘉定州祠廟考一

職方典第六百二十九卷

嘉定州部彙考三

嘉定州戶口考

州縣志合載

州總

原額男婦一萬二千二百二十五口該徵銀二百二十兩五分內起解銀一百八十七兩四錢五分本州聽支官吏俸鈔銀三十二兩六錢有閏加銀一十八兩三錢二分七釐五毫原額人丁六千七十八丁內除迯絕單寡朋丁

一百一十一丁四斗七升實編五千九百六十七丁五斗三升內竈丁八百七十七丁每丁折糧六斗民丁五千零九十丁五斗三升每丁折糧五斗

峩眉縣

計田地載糧計糧載丁按丁糧起科派銀他無所為丁徭戶口也每糧二石二斗一升三合五抄六撮四圭一粒載丁一丁上田中田下田平地坡地共載人丁二百五十四丁四斗七升三

合九勺八抄五撮康熙六年招回歸化鄉彝民三十六戶

洪雅縣丁數未載

峽江縣

原額人丁四千三百八十六丁丁銀三千九百七十一兩八錢八分零

康熙二年實在人丁三百二十丁零

犍為縣

原額人丁五千六百六十三丁口除逃絕女口

五百二十六丁不編外實在人丁五千一百三十七丁

戶口五千六百六十三丁口

康熙二年丈後起至康熙二十五年止共載人丁一百二十七丁四斗二升五合九勺五抄七撮七圭

榮縣

康熙二年丈後起至康熙二十四年止共載人丁二十九丁八斗四升一合四抄七撮

威遠縣

康熙六年歸併榮縣

康熙二年丈後起至康熙二十四年止共載人丁一十九丁五斗二升二合三勺二抄九撮

嘉定州田賦考

州縣志合載

本州

原額稅銀七千七百四十四石五斗六升二合七勺二抄八撮四圭

原額棉花二千六百二十六斤一十二兩九錢四分二釐每花一斤徵銀七分零八毫六絲三忽共徵銀一百八十六兩一錢四分四釐五毫內分實解銀一百六十二兩二錢五分又帶徵茶課銀三兩九錢六分廣豐倉篔席銀一十九

兩九錢三分四釐五毫

大糧撤數 工部料米四百七十石每石折色

銀五錢共銀二百三十五兩奉文加增漆錫京

料水脚銀一十五兩四錢一分一釐六毫八絲

普安倉夏秋米一千石每石折色銀一兩九錢

五分共該銀一千九百五十兩

霸州倉米一千四百石每石折色銀一兩二錢

一分二釐五毫九絲七忽五微共該銀一千六

百九十七兩六錢三分六釐五毫

成都廣豐倉折色米一千九百九十三石四斗

五升每石折色銀六錢共該銀一千一百九十

六兩零七分

廣濟庫夏米六十八石折荒絲六十八斤每斤

價銀五錢共銀三十四兩有閏加銀二兩八錢

二分二釐四毫奉文加增絲絹銀七兩七錢四

分四釐五毫六絲二忽

存留廣積倉米二百九十石六斗六升二合七

勺二抄八撮四圭每石折色銀七錢共該銀二

百零九兩七錢六分三釐九毫九忽九微八塵
奉文加增閏月俸糧銀一十二兩二錢五分
儒學倉米五百二十石每石折色銀七錢共該
銀三百六十四兩奉文加增閏月俸糧銀三十
兩二錢七分五釐

稅糧帶徵協濟驛傳銀一千一百一十六兩四
錢六分八釐一毫三絲九忽內起解布政司協
濟別府銀二十六兩九錢八分三釐六毫三絲
九忽四微存留本州聽支一千零八十九兩四

錢三分三釐五毫奉文加增太監府廩糧銀二
十四兩六錢八分一釐三毫有閏加銀二兩零
五分三釐一毫

一條編公費銀七百九十五兩
力夫八十名每名工食銀七兩二錢共銀五百
七十六兩有閏加銀四十八兩
州馬四十匹每匹工食銀二十一兩六錢共銀
八百六十四兩有閏加銀二十四兩
一均徭甲丁二庫料銀八十五兩

白蜡價銀三百三十六兩八錢蜡價內除實解
二百二十二兩四錢外又奉詳允每年支給旱
夫油燭銀一十八兩有閏加銀一十兩五錢餘
無閏剩銀九十六兩四錢有閏剩銀九十四兩
九錢本州議補坍課

江南漆鐵鹿皮料價銀一百二十一兩六錢

京料殷實盤纏銀四十兩

布政司表夫銀一十四兩應朝水手銀四兩
按察司馬夫薪銀八十八兩有閏加銀四兩

冕山橋料價銀五兩八錢三分四釐

本州知州員下馬夫柴薪銀八十八兩有閏加
銀四兩表箋銀一十二兩應朝水手三十兩
鄉飲銀一十二兩

州同員下馬夫柴薪銀八十八兩有閏加銀四
兩

州判員下馬夫柴薪銀六十四兩有閏加銀二
兩

吏目員下馬夫柴薪銀六十四兩有閏加銀二

兩

添註判官員下馬夫柴薪銀六十四兩有閏加銀二兩暫徵

本州儒學齋夫銀九十六兩膳夫銀七十五兩祭祀銀五十八兩

預備舉人盤費銀八十八兩六錢

奉文加增進士牌坊銀四兩三錢八分一釐七毫

歲貢盤纏銀四十五兩每年裁銀一十五兩抵

補坍課

力役

本州庫子二名每名工食銀七兩二錢共銀一

十四兩四錢有閏加銀一兩二錢皂隸三十五

名每名工食銀七兩二錢共銀二百五十二兩

有閏加銀二十一兩廣儲倉斗級七名奉文裁

革實編倉吏餼廩銀一十四兩四錢倉廩內改

七兩二錢加級中渡鋪工食看監禁子十名每

名工食銀七兩二錢共銀七十二兩有閏加銀

六兩跟官門子五名每名工食銀七兩二錢共銀三十六兩有閏加銀三兩

儒學齋夫一名祭器庫子一名門子四名工食銀各七兩二錢共銀四十三兩二錢有閏加銀三兩六錢

啓聖祠門子一名明倫堂門子一名敬一亭門子一名工食銀各二兩共銀六兩有閏加銀四錢九分九釐八毫

白岩九溪綿竹青衣普庵茅橋磨池橫梁平羌等十鋪司兵各三名每名工食銀七兩二錢共銀二百一十六兩有閏加銀一十八兩

中渡蘇稽海會古城四鋪司兵各二名工食銀七兩二錢共銀三十七兩六錢有閏加銀四兩八錢內裁汰白岩九溪二鋪司兵六名共工食銀四十三兩二錢有閏加銀二兩六錢抵補坍課

州門鋪司兵五名每名工食銀七兩二錢共銀三十六兩有閏加銀三兩

橫梁渡夫四名每名工食銀七兩二錢共銀二十八兩八錢有閏加銀二兩四錢

府河渡夫四名每名工食銀七兩二錢共銀二十八兩八錢有閏加銀二兩四錢

雅河渡夫二名每名工食銀七兩二錢共銀一十四兩四錢有閏加銀一兩二錢內改一名於

小灣渡撐渡外一名七兩二錢有閏加銀六錢查係空閒裁補坍課詳允遵照

尖山渡夫二名每名工食銀七兩二錢共銀一

十四兩四錢有閏加銀一兩二錢

蘇稽渡夫一名工食銀七兩二錢有閏加銀六

錢

四諫祠門子一名工食銀三兩六錢有閏加銀

三錢

察院看司一名工食銀五兩六錢有閏加銀四

錢六分六釐六毫

分守道門子二名每名工食銀七兩二錢共銀

一十四兩四錢有閏加銀一兩二錢又看司一

名工食銀五兩二錢有閏加銀六錢

布政司看司一名工食銀五兩二錢有閏加銀四錢三分三釐三毫四絲

按察司看司一名工食銀五兩二錢有閏加銀四錢三分三釐四絲

民兵一百七十六名每名工食銀七兩二錢共銀一千二百六十七兩二錢有閏加銀一百零五兩六錢

機兵三十九名每名工食銀七兩二錢共銀二

百八十兩八錢有閏加銀二十三兩四錢

吹鼓手五十名每名工食銀七兩二錢共銀三

百六十四兩有閏加銀三十兩

操兵一百十八名共工食銀一千八百兩有閏加銀一百五十兩

條編內雜課 老竈課銀六百八十五兩六錢

奉文議將六百兩於州秤盤鹽茶二贖抵補外餘十三兩六錢仍於條編內起徵坍課近因鹽引稅增二贖禁革詳允於解剩蜡價無閏九十

六兩四錢有閏內支一兩五錢加給旱夫油燭
實剩九十四兩九錢歲貢空年盤纏十五兩白
岩二鋪司兵工食無閏四十三兩有閏四十六
兩八錢府河渡夫工食一十四兩四錢雅河渡
夫工食七兩二錢有閏加銀一兩八錢河壩地
租一十五兩俱抵補坍課之半

外小井課銀五百八十兩二錢九分二釐於現
煎鹽井人戶徵解
以上二條俱在前條編內

峨眉縣

通縣田地均丈各色官民共田一千七百六十
一頃四十九畝一分六釐五絲官民稅糧八千
六百三十石九斗二升茶糧四十八石四斗三
升一合一勺二抄淨棉花二百六十四斤
官上田三十六頃八十四畝二分五釐六毫三
絲八忽每畝科糧九升二合該糧二百六十五
石二斗六升六合四勺五抄九撮三圭六粒
中田一頃二十八畝四分八毫七絲二忽每畝

科糧六升二合該糧七石九斗六升一合三勺
六圭四粒

下田一十八畝每畝科糧五升二合該糧八斗
三升二合

麻田一畝五釐每畝科糧三升九合九勺

民上田六百三十六頃三十二畝四分七毫九
絲每畝科糧五升五合該糧四千一百三十六
石一斗六合五勺一抄三撮五圭

中田四百八十頃七十一畝六分七釐三毫四

絲每畝科糧三升九合九勺該糧三千三百九
十八石七斗七升六合五勺二撮六圭六粒

下田四百五十八頃三十四畝六分一釐一毫
八絲五忽每畝科糧三升四合三勺該糧一千
五百七十二石一斗二升七合一勺八抄六撮
四圭一粒

平熟地六十頃九十八畝八分一釐二毫三絲
每畝科糧二升九合一勺該糧一百七十七石
四斗七升五合四勺三抄七撮九圭三粒

河灘地一十頃二十三畝九分七釐三毫每畝
科糧二升該糧二十石二斗七升九合四勺六
抄

耕種坡地五十二頃五畝五分一釐九毫九絲
五忽每畝科糧一升該糧五十二石五升五合
一勺九抄九撮五圭

棉地二十一頃一十二畝每畝科花二兩該花
二百六十四斤

茶地三頃五十畝四分四釐七毫每畝科糧一
斗三升八合一勺該糧四十八石四斗三升一
合一勺二抄

起運京邊腹裏存留各倉徵收錢糧本折數目
工部科米五百三十石每石折價銀五錢該銀
二百五兩

威州保縣倉本折米九百石每斗價脚銀一錢
四分該銀九百八十兩

茂州韓胡倉本折米九百石每斗價脚銀一錢
三分八釐八毫該銀一千二百四十九兩二錢

廣濟庫夏米五十一石每石價銀五錢該銀二十五兩五錢

成都廣豐倉折色米三千九百九十六石每石價銀六錢該銀一千七百九十七兩六錢

存留縣倉米一百三十七石九斗二升每石價銀七錢該銀九十六兩五錢四分四釐

儒學倉米三百二十石每石價銀七錢該銀二百二十四兩

以上七倉共銀四千六百三十七兩八錢四分

四釐每糧一石徵折色銀五錢二分七釐三毫五絲二忽二微一纖四塵

廣豐倉本色米二千九百九十六石每糧一石徵米三斗四升七合一勺二抄三撮八圭布花二百六十四斤每斤價銀六分二釐五毫該銀一十六兩五錢

戶口三千八百一十三口每口鈔銀一分八釐該銀六十八兩六錢三分四釐茶糧每石價銀五錢該銀二十四兩二錢一分五釐五毫六絲

遇閏年每糧一石徵閏月絲銀二毫四絲六忽
二微一塵戶口每口加一釐五毫

據舊志本縣原額田一千八百八十一頃八十
八畝七分八釐四毫五絲

田地共糧八千六百三十石九斗二升

額徵條編共銀四千三百一十二兩七錢九分
六釐五毫三絲九忽三微

康熙二年奉文清丈共丈過上中下田地一百
二十六頃三十六畝八分七釐七毫一絲四忽

上田每畝載糧六升五合中田每畝載糧四升
九合二勺下田每畝載糧三升四合三勺平地
每畝載糧一升三合一勺坡地每畝載糧一升
每糧一石該徵大糧銀九錢三分四釐四毫五
絲九忽九微四纖三塵每糧二石二斗一升三
合五抄六撮四圭一粒載丁一丁每丁徵銀三
錢一分七釐五毫三絲四塵又每糧一石該徵
條銀三錢一分七釐五毫三絲四塵
上田三十八頃九十二畝二分七釐九毫三絲

三忽共載糧三百五十二石九斗九升八合一
勺五抄六撮四圭五粒

中田一十四頃六十四畝三分九釐七毫九絲
六忽共載糧七十二石四升八合三勺七抄九
撮六圭三粒二粟

下田六十七頃一十三畝一分七毫四絲一忽
共載糧二百三十石二斗五升九合五勺八抄
四撮一圭六粒三粟

平地一頃三十三畝二分五釐四毫五絲三忽

九微三塵共載糧三石七升八合一勺七抄八
撮八圭五粒八粟

坡地四頃三十三畝八分三釐七毫九絲七塵
共載糧四石三斗三升八合三勺七抄九撮七
粒

以上五等田地共載糧五百六十二石七斗二
升二合六勺七抄九撮一圭一粒該徵大糧銀
五百二十五兩八錢四分一釐八毫二忽六微
四纖五塵共載人丁二百五十四丁四斗七升

三合九勺八抄五撮該徵丁銀八十兩七錢三分九釐六毫二絲八忽六微二纖九塵又田地丁糧該徵條銀一百七十八兩六錢八分一釐三毫五絲四忽八微六纖每歲額徵糧丁條銀共七百八十五兩二錢六分二釐七毫八絲六忽八塵遇閏丁糧每石加增銀二分一釐八毫五絲六微五纖四塵共加徵銀一十七兩八錢五分六釐二毫八絲一忽五微五纖七塵通共徵銀八百三兩一錢一分九釐六絲七忽六微

三纖七塵

康熙六年招回歸化鄉彝民三十六戶每歲額派馬價差銀一百九兩四錢三分六釐遇閏加增銀一十兩五錢七分六釐三毫一絲八忽八微八纖六塵共徵銀一百二十兩一分二釐三毫一絲八忽八微八纖六塵

康熙二十一年增入營兵新墾

中田五畝六分二釐載糧二斗七升六合五勺四撮

下田八十畝七分九釐載糧二石七斗七升二合九抄七撮

平地二畝共載糧四升六合二勺

以上三項田地共八十八畝載糧三石九升四合八勺一撮該徵糧銀二兩八錢九分一釐九毫六絲七忽六微六纖六塵該徵丁銀四錢四分四釐四絲二忽八微九纖九塵該徵條銀九錢八分二釐六毫九絲二忽二微八纖五塵每歲額徵營兵糧丁條銀四兩三錢一分八釐

七毫二忽七微五塵遇閏加增共該徵銀四兩四錢一分六釐八毫八絲二忽七微四塵二纖

茶稅 舊制嚴飭關禁招園戶恤商民產茶州

縣二十九處自康熙十年通省每歲額徵課銀三百二十一兩二錢二分四釐二毫九絲四忽七微五塵每歲額徵茶稅銀三千七百九十七兩四錢七分二釐今本邑每歲額徵課銀八兩二錢五分五釐每歲行腹引二百三十張無經過商人不能填足多係茶戶指名填中額徵稅

銀二十一兩二錢五分每歲額牙典雜銀七兩二錢

每歲額供白蠟六十一斤赴布政司領價採買買完解赴布政司交納每斤價銀五錢八分共該領價銀三十五兩三錢八分康熙二十五年奉部文減定價值每斤價銀三錢共領價銀一十八兩三錢

本縣知縣一員歲額俸銀二十七兩四錢九分薪銀三十六兩心紅紙張銀十二兩油燭銀一

十兩傘扇銀二兩除心紅紙張外該銀七十五兩四錢九分於順治十三年十二月內奉文將薪傘銀十七兩五錢一分添入俸銀內照滿洲筆帖式哈番例算給俸銀四十五兩除銀三十兩四錢九分全裁又於康熙七年六月內奉文裁去心紅紙張銀五兩復於康熙八年九月內奉文實支俸銀四十五兩心紅紙張銀二十兩俸紅共銀六十五兩於康熙十九年十月內因軍需浩繁道員以上照例全捐州縣以上半捐

半支惟首領佐貳教職雜職微員仍令全支至大小各官紙紅銀兩全捐外實支半俸銀二十二兩五錢又於康熙二十一年四月內開在外文官俸銀著照舊支給實支全俸銀四十五兩額設六房典吏六名額設衙役一百三名因蜀省凋殘人民稀少止量招募三十七名每名歲支工食銀七兩二錢於順治十三年十二月內每名裁留銀六兩又於康熙七年六月內奉文裁去七名存留門皂等役三十名復於康熙八

年九月內奉文爲請復存留錢糧等事仍照三十七名共該銀二百二十二兩因錢糧不敷每名歲攤支二個月零九日工食銀一兩一錢五分共實支銀四十二兩五錢五分內門子二名每名歲支工食銀一兩一錢五分共銀二兩三錢皂隸一十六名每名歲支工食銀一兩一錢五分共銀一十八兩四錢馬快八名每名歲支工食銀一兩一錢五分共銀九兩二錢燈夫四名每名歲支工食銀一兩一錢五分共銀四兩

六錢轎傘扇夫七名每名歲支工食銀一兩一錢五分共銀八兩五分於康熙二十一年四月內開衙役工食自二十二年照舊支給

本縣典史一員歲額俸銀一十九兩五錢二分薪銀一十二兩先於順治十三年十二月內奉文給俸銀三十一兩五錢二分額設衙役六名每名歲該工食銀七兩二錢先於順治十三年十二月內奉文每名裁畱銀六兩又康熙七年六月奉文裁去衙役二名存畱四名復於康熙

八年九月內奉文爲請復存畱錢糧等事仍照六名共該銀三十六兩因錢糧不敷每名歲攤支二個月零九日工食銀一兩一錢五分共實支銀六兩九錢內門子一名歲支工食銀一兩一錢五分皂隸四名每名歲支工食銀一兩一錢五分共銀四兩六錢馬夫一名歲支工食銀一兩一錢五分於康熙二十一年四月內開衙役工食自康熙二十二年照舊支給
本縣教官一員歲額俸銀一十九兩五錢二分

薪銀一十二兩先於順治十三年十二月內奉文給俸銀三十一兩五錢二分額設典史一員額設衙役一十三名因蜀省凋殘人民稀少止量招募四名每名歲支工食銀七兩二錢於順治十三年十二月內奉文每名裁畱銀六兩共該銀二十四兩因錢糧不敷每名歲支攤二個月零九日工食銀一兩一錢五分共銀四兩六錢內門斗二名每名歲支工食銀一兩一錢五分共銀二兩三錢膳夫二名每名歲支工食銀

一兩一錢五分共銀二兩三錢於康熙二十一年四月內開衙役工食自二十二年照舊支給本縣學校志云本學原設教諭訓導各一員每員學吏學書門子各一名門斗各二名廟夫膳夫各一名轎夫各四名俱領工食甲申變廢至順治十七年經制設訓導一員攢典一名門子一名門斗二名赴司請領

每歲春秋二祭原編銀四十九兩三錢後因錢糧不敷每歲約用銀一十六兩時軍興旁午無

一 項可動俱各州縣自行捐備康熙十一年奉文請給春秋祭祀銀一十六兩至康熙二十年又奉文爲祭祀事案內照舊於條糧銀內動支每歲鄉飲酒禮原編銀八兩後因蜀省凋敝典禮久廢闔省見設州縣一百十三處全書內酌用銀四兩州縣自行捐備康熙二十四年川撫韓題請於額賦內動支銀八兩未行舊制歲貢盤纏銀二十二兩五錢進士牌坊銀四兩八錢七分三釐五毫三絲五

忽三微

倉吏一名倉書一名每名工食銀七兩二錢遇閏各加銀六錢

庫夫一名工食銀七兩二錢遇閏加銀六錢
禁卒三名每名工食銀七兩二錢遇閏各加銀六錢

縣門惠靈廻溪三鋪司兵九名每名工食銀五兩二錢遇閏加銀四錢三分三釐三毫
每歲協濟本州公費銀一十兩

本縣額支公費銀二百四十八兩三錢七分
以上七條舊係額編於大糧內扣支因平定後
錢糧不敷有經裁減現行者有未經設復者

洪雅縣

康熙元年奉文知縣韓國球履畝清丈額定丁
糧條銀七百九十四兩四錢二分九釐二毫五
絲五忽九微七纖九塵

春秋祭祀明原額銀五十兩今頒十六兩
鄉飲銀八兩今未舉行

歲貢盤纏銀二十二兩今仍舊

柴夫七名每名銀一十二兩共銀八十四兩今

裁

馬夫三名每名銀四十兩共銀一百二十兩今

裁

舉人盤費今裁

門皂二十四名庫鋪夫二名禁子三名共二十
九名每名工食銀七兩二錢共該銀二百零八
兩八錢今裁

儒學教諭訓導齋夫銀四十八兩今願三十一兩有零門子二名庫子廟夫一名共四名各工食銀七兩二錢共銀二十八兩八錢今裁廩生膳夫銀五十兩今未舉行科歲花紅銀今願共十六兩

公署二所原編看司門子二名各工食銀三兩六錢今裁

修理城垣原編銀一十四兩四錢今裁

雜稅

魚課銀五兩三錢九分四釐五毫七絲五忽

茶課銀一十一兩八錢四分

邊腹茶稅銀七十六兩六錢四分

牙稅銀八兩八錢

峽江縣

康熙二年清丈田畝實在田地共一百四十六頃二十九畝零

見徵糧銀四百七十四兩六錢九分零

見徵丁銀一百一十七兩一分五釐

見徵條銀一百七十三兩二分零
遇閏加銀二十九兩二錢六分零

本縣知縣歲額俸銀二十七兩四錢薪銀三十
六兩心紅紙張銀二十兩油燭銀一十兩傘扇
銀二十兩

本縣典史歲額俸銀一十九兩五錢二分薪銀
一十二兩

本縣教官歲額俸銀一十九兩五錢二分薪銀
一十二兩廩膳生員廩餼銀每生每歲一十兩

零八錢生員優免銀每歲每生一兩二錢

文廟及山川社稷各壇原編銀六十五兩六錢

鄉飲酒禮銀八兩

歲貢盤纏銀二十二兩五錢

公費今額 本縣知縣實支全俸銀四十五兩

本縣典史實支全俸銀三十一兩五錢二分

本縣教官實支全俸銀三十一兩五錢二分廩

膳生員廩餼銀今暫支三分之一每生銀三兩

六錢

文廟及山川社稷各壇春秋二祭銀一十六兩

鄉飲酒禮銀四兩

貢生盤費銀二十二兩五錢

額供蠟五十三斤價銀一十五兩九錢

雜課

鹽課銀五百七十八兩七錢二分零

魚油翎鰓銀八兩八錢四分零遇閏加銀五錢

八分商稅銀一兩四錢二分零有閏加銀一錢

一分零

以上各款俱缺額無徵備之以俟參考

見徵魚課銀一兩一錢二分零

見徵牙行銀四兩八錢以上二項康熙二年起

犍為縣

自康熙二年規丈後其載糧詳請比照洪雅縣

則例其徵銀載丁起例依明季時舊刊全書犍

自康熙二年丈後起至二十五年舊管田地共

八十六頃五十三畝五分一釐二毫三忽共載

糧一百二十一石七斗一升六合五勺八圭一

粒五粟人丁一百二十七丁四斗二升五合九
勺五抄七撮七圭四粟丁糧條共徵銀二百五
十八兩一錢七分七釐三絲六忽六微九纖四
塵康熙九年奉文加閏銀兩照依舊時全書各
項遇閏銀兩爲數解司完納
起運

布政司廣濟庫大糧丁條銀二百五十八兩七
錢七分七釐三絲六忽六微九纖四塵遇閏照
例加增銀八兩二錢七分六釐四毫六絲九忽

六微一纖九塵

歲支 每年買備白蜡二十一斤每斤價銀五

錢八分共銀十二兩一錢八分

本縣春秋二祭

文廟及山川社稷各壇祠於康熙十一年內請給
春秋祭祀銀一十六兩於康熙二十年二月內
奉文爲祭祀事案內照舊於條糧銀內動支
本縣知縣歲額俸銀二十七兩四錢九分薪銀
三十六兩心紅紙張銀二十兩油燭銀一十兩

傘扇銀二兩除心紅紙張外共銀七十五兩四錢九分自順治十三年十二月內奉文爲錢糧入不敷出等事一案屢奉裁減於康熙二十一年四月內開在外文官俸銀照舊支給實支銀四十五兩額設衙役三十七名每名歲該工食銀七兩二錢於順治十三年十二月內奉文每名裁畱銀六兩又於康熙八年九月內奉文每名攤支二月零九日工食銀一兩一錢五分門子二名皂隸十六名馬快八名燈夫四名轎傘

扇夫七名每名歲支工食銀一兩一錢五分本縣典史歲額俸銀一十九兩五錢二分薪銀一十二兩於順治十三年十二月內奉文給俸銀三十一兩五錢二分額設衙役六名門子一名皂隸四名每名歲支工食銀一兩一錢五分本縣教官歲額俸銀一十九兩五錢二分薪銀一十二兩於順治十三年十二月內奉文給俸銀三十一兩五錢二分額設衙役四名門斗二名膳夫二名每名歲支工食銀一兩一錢五分

以上本縣買備白蜡春秋二祭官俸歲支銀一百三十六兩二錢二分具領赴布政司庫收貯本省條糧內請領支給

衙役工食銀五十四兩五分自二十二年照舊支給

額設站船三隻水手六名撓夫一十六名除小盡不支照江南例每名日支工食銀二分二項每季共該銀四十二兩七錢二分按季給領額設驛馬二匹馬夫一名遵照安徽例除小盡

不支每馬一匹日支草料銀六分每夫一名日支工食銀四分八釐二項每季共該銀一十四兩九錢五分二釐按季赴按察司領給

額設扛夫六名遵照安徽例除小盡不支每名日支工食銀一分二釐每季該銀八兩四錢九分六釐按季赴按察司領給其草料工食等項前因錢糧不敷每歲具領赴布政司庫收貯本省及外省協濟銀內請領支給

一鄉飲酒禮原編銀八兩因錢糧不敷每歲量

用銀四兩本縣自行捐備

一監倉禁子額設四名原編工食銀二十八兩八錢因錢糧不敷今量召二名工食銀兩係本縣照今例捐措以備防禦

榮縣

康熙二年丈後起至康熙二十四年止舊管田地共二十一頃九十三畝一分六釐五毫二絲一忽共載糧三十九石一斗二升三合九勺六抄四撮一圭五粒人丁二十九丁八斗四升一

合四抄七撮丁糧條共徵銀八十一兩四錢五分六釐三毫二絲六忽一微六纖八塵二渺至於加閏銀兩將原額人丁稅糧合算攤派每丁糧一石該徵閏銀四分三釐八毫六絲二忽八微八塵該徵遇閏銀三兩二分五釐四忽八纖以上丁糧連閏共徵銀八十四兩四錢八分一釐三毫三絲一微七纖六塵二渺

威遠縣

康熙六年歸併榮縣

威遠縣自康熙二年丈後起至康熙二十四年

止舊管田地共九頃一十三畝四分五釐四毫
 六絲八忽共載糧一十七石四升七合三勺八
 抄七撮九圭六粒人丁一十九丁五斗二升二
 合三勺二抄九撮丁糧條共徵銀三十五兩八
 錢六分六釐八毫四絲三忽三微三纖八塵遇
 閏徵銀一兩一錢二分五釐三毫五絲五忽七
 纖三塵

以上丁糧條連閏共徵銀三十六兩九錢九分
 二釐一毫九絲五忽四微一纖一塵

雜稅

貢井原額水火井六眼共煎鍋一百一十九口

徵課銀四百七十六兩

新增地脉鍋一口徵課銀四兩共徵課銀四百
 八十兩

嘉定州風俗考

總志州縣志合載

本州

冠禮 惟士大夫依家禮立賓贊行三加謁祖廟拜父母尊長出拜師友餘或行或不行

婚禮 近古遵六禮稱有無不甚論財恥以女與人爲妾遣女之家近亦多侈貧者勉爲之至負累良由男家亦有索之者坐此失歡或以釀禍不幸修短不齊則倒取之至訟於官

喪禮 初喪以至葬咸遵家禮不作佛事不侈

酒食稱家之有無亦不甚溺風水以既窆而後
即安貧家不數日而葬謂之乘凶葬後三日而
上塚謂之復山清明之祭不過社日

祭禮 忌日中元除夕祭廟餘皆於墓孝者每
食必祭無常期亦無常品猶有薦新之意又中
元以十四日祭相傳至十五則化者皆赴盂蘭
盆會祭必用蒟蒻家家皆然故俗謂之鬼藥

元旦 五鼓設香燭肅衣冠拜天地祖宗尊卑
長幼各依次相拜出拜師長及親眷之密切者

謂之拜年主人亦勞以酒食即為具上塚

元宵 張燈遇晴霽則各競奇巧放烟火遊百
病婦女雜遝此際惡少叢集亦易生事雖屢經
禁諭而卒不能革也

清明 首插柳枝又瓶貯之獻於佛神前十日
之內後先攜具上塚謂之踏青男婦隨便自此
以後農工蠶事各趁其忙

四月八日 作浴佛會張鼓樂傘蓋送大油燭
詣各梵宇僧徒設齋供

五月五日 預送節禮官長親戚各因其分造角黍泛菖蒲插艾與瓶貯一如清明之柳家家作饅頭切肉膾俗謂之生彩樂競渡迎瘟火之神伐鼓填然至暮乃已

六月六日 曬衣曝書賽青苗土地

七月七日 游宦及士人之家其婦女設菓瓜乞巧餘則否十四日祭先

中秋 土人原不重此節惟士大夫家造月餅相餽遺治具賞月里中賽土地神扮演雜劇聲

樂文物亦各相競謂之看會

九日 士人攜酒登高里俗賽土地家家造酒十月初一 墓祭謂之送寒衣亦有祭於家者農家造米飴帶牛角上用相勞苦租於人者以此日償代

十月十五日 下元節有力之家作水官解厄

醮

冬至 惟士大夫相賀餘則否

臘月八日 造酒及醴與豆豉貯水待用謂其

不敗然亦不解作粥

二十四日 祭竈凡立春以前大寒以後謂之亂歲拂塵填土諸凡不忌造茶果備牲口送節儀卑幼治具就尊長而稱觴謂之分歲尊長亦重力答之粉米和以糖葉裹之名曰枕餅肖其形也家家爲之饒者至用米石餘窮日夜不休盡給之食第視老幼而多寡之餘者用相餽遺儲米計可足數日之食謂之年米以新歲且不舂也

除日 分年飯豐儉稱家大約人各肉一盂祭先而後分給雖猫犬亦不遺是日儲水度可足二三日用掛門紙凡器物柱壁之類皆貼以楮錢至晚掃除潔淨元日不掃謂之刮財故忌之篝燈圍爐相聚飲酒名曰守歲爆竹燒蒼术香煙以避惡氣俗祀壇神巫覡伐鼓歌舞自暮達旦此神容貌欠雅專主六畜亦時有小威福蓋鄙俚而血食者也城市鄉村皆有之

峩眉縣

我俗尚鬼好祝民家有災病者多不求醫惟禱神許願及病愈各持所許之物赴神祠祀之餽餘即偕所親契共享之謂之還願

家圖趙侯像供於堂屋之西壁日壇神所禳者每於歲終祀之集巫覡恆酣徹夜親友具賀必款留至醉謂之慶壇亦謂之還壇

每歲逢四季閭閻中推一人為會首斂金治香楮酒餼巫覡作伎於會首之家札竹為船糲以綵紙列官與儀從其上送至江邊焚之名曰送

瘟亦逐疫之遺意也

宴客頗尚豐揖讓多襲繁文每宴客三杯後即勸大碗謂之洗碗多至醉

元日 拜年尊長有賜謂之拜年錢

元宵 街市子弟演扮婦女鬧鑼鼓攜燈籠相踏和採茶歌自初十起至十六止遊伴釀飲謂之燈山會

二月一日 請城隍出郊結棚祭賽對棚作彩樓梨園搬演其上又好閒子弟扮作美婦人及

仙佛神將等狀高置木架上凌空而行謂之扮會男女還觀浹旬不已至初十日爲神慶壽誕已乃送神歸廟

三月三日 作會賽土地亦古祈年意也祭畢卽以犒農工

五月五日 酌雄黃酒互相邀飲又作華光會
六月六日 賽青苗土地祀畢卽以祭肉犒服田之人謂之洗泥

十月一日 爲牛王慶誕辰於卯刻誦經謂之

清齋

臘月八日 宰鷄豚牲畜

除夕 前二三日內治具邀飲卑幼邀尊長謂之別歲尊長飲卑幼謂之分年飯

除夕 掛桃枝於門放爆竹凡存貯食物皆以鐵器壓之亦取鎮除邪氣之義

洪雅縣

董濟民大成殿記云家有禮法戶有詩書

郡舊志云俗厚而人勤稼穡又云風尚儒雅里

多仁厚

雲樵志云民業農桑不嫻商販文學稍盛少長有禮村落之民有白首不見官府者其餘風俗與州志及各縣志同者不重載

峽江縣

元日 擇方向出行

清明 作醋釀酒以備用

五月五日 競渡謂之划龍船

中秋 暮則露坐邀朋友賞月守月華竟夜乃

已雨則入室其興不輟

冬至 有職業者四鼓赴縣行朝賀禮

臘月八日 殺牲烘之為其不敗

除日 早起家家用豬首祭祖先燒年紙

喪事或月餘而窆或三日而窆士大夫家不作

佛事餘若不作心必不安俗久不可移易

按峽邑地僻而小民多朴厚惟事詩書不喜爭

訟守分服役率以為常

犍為縣

總志土地沃美勤於紡績

榮縣

古州志民多朴實士尚詩書

隋志敏慧慕文學

宋張仲記界屬東西無桑麻以便農無舟楫以便商苦以鹽利富饒號爲東川道院謂其民淳事簡可以道化

原志地廣人稀民良俗朴

圖經有簡儉風

明楊仲淳云榮俗冠婚喪祭服舍士人家頗知禮鄉人自好者間從之又喪葬多以鼓樂進弔客客以酒食伴靈村落尤甚祭惟士大夫家有四時之祭有歲暮之祭有誕忌之祭元旦清明中元節民皆同祭其先拜墓焉他節序大率不甚相異榮民東南警敏尚文華西北質直尚氣節故文士多東南健訟恆西北

嘉定州祠廟考一
州縣志合載

本州

風雲雷雨山川壇 在社稷壇西二百步按總

志在治南

社稷壇 在治西二里

郡厲壇 在治北一里

城隍廟 在望洋門內洪武四年同知楊勵建

按總志在治北

土主祠 有三一在高標東一在高標西一在

龍泓名碧山廟按總志在治南祈禱必應

關帝廟 在治北地名王船廠洪武中蜀藩之

國有司造船於此按總志在治西北大江之濱

張桓侯廟 在關帝廟後叅議張能鱗重建

寇將軍廟 在治東一里祀五代時寇士顯士

寧士昌弟兄

蕭公廟 在會江門內明末樂十二年建

二郎東嶽廟 亦祀東嶽

川主廟 在城北一里明正統十年知州馮志

學祀秦太守李冰

婺源廟 在新市街巷內乃古廟亦祀瘟火之

神

寓公祠 在龍泓祀陸通揚雄郭璞李白邵博

蘇軾黃庭堅晁公武今廢按總志在治西湖上

郡守汪儉建

郭公祠 在州治西判官廨祀郭景純石巖上

鐫有公像

元壇祠 在方響洞上弘治初同知張揖修學

掘地得石像有碑記云元壇守此土留與聖賢居相傳趙子龍之神也丁祭則祀之

孝節祠 在皇華臺祀淑先雄等總志云祀州烈女

忠節祠 凡三遷今定於儒學東守道舒其志

知州李公采重建以祀胡子昭按總志在治南

九龍祠 在州城內九龍山祀隋太守趙昱

宗仁祠 在凌雲山祀古今流寓名賢今廢

火神祠 在治北竹溪橋畔郡人禳火於此

四諫祠 在州治南祀安徐彭程四先生州志

云在書院街

峩眉縣

風雲雷雨山川壇 在縣治南

社稷壇 在縣治西

邑厲壇 在縣治北

城隍廟 在縣治西

土主廟 在西門外

關帝廟 在西門外

惠靈廟 在縣東

黃角廟 在縣治東南

晉王廟 在縣南

姜公廟 在縣東

峩山祠 在縣北宋以來為東嶽廟嘉靖中知

州陳嘉言改祀三峩之神

歌鳳先生祠 在縣北峩山廟後祀楚狂接輿

久廢

洪雅縣

山川壇 在縣治南

社稷壇 在縣治西

邑厲壇 在縣治北

城隍祠 在北城內正德元年知縣盧庠建

皇清康熙二十三年知縣何永駿增修

土主祠 在東街按總志在治南

五顯祠 在東街按總志康熙五年知縣李果

重建

蕭公祠 在城東今廢

東嶽祠 在城東二里

壁山祠 在縣西岸

關帝祠 天啓元年知縣張繼孔建

二峩眉祠 山勢盤旋澗水迴繞有神宅焉禱

祀有驗

峽江縣

風雲雷雨山川壇 在城南百步許

社稷壇 在城西二百步許

邑厲壇 在城北二里毘盧寺之前

城隍廟 在城北正街

白馬廟 在城西半里

川主廟 在治北五里以神功在水故於堰口

祀之

土主廟 在南安鎮街人曰廟街以此古建

蕭公廟 在西北五里水神也故商旅祀之於

江岸

關聖祠 在治南正街

武侯祠 原在邑南三十里九盤山之陽縣令

董繼舒移於城南後堆小山

炎帝祠 在聚奎門外數武

東嶽祠 在城南二里

五顯祠 在東鼓樓側

犍為縣

山川壇 在城南一里

社稷壇 在城北一里

邑厲壇 在城北一里

城隍廟 在城西知縣周慶地重修

花將軍廟 在縣東段子章反敬定蕩平功多

民間立祠祀之今頽毀無存按總志在治西

東嶽廟 在縣北鳳山即古烏羊觀月臺譚允

中諶大訓修康熙二十年繕營於此

孝女祠 在縣南二十里大江之右祀淑先雄

年久堂宇俱廢知縣吳遵美重建有漢孝女坊

今頽毀無存按總志孝女渡淑先雄投江抱父

屍處也

忠孝祠 在城東即武安公祠也龐侯統忠漢

顯靈立廟祀之按總志武安公祠祀龐統

五通祠 城南北俱有知縣吳道美開路建亭

今頽毀

三寧祠 在縣北三十里按總志三靈祠祀水

神蕭公晏公楊公知縣劉靖寰重修

邵子祠 在縣西一里資聖寺之西今頽毀按

總志在治東祀康節之孫邵博

蕭公祠 在縣北五里大江之左

三仙祠 在鳳舞山今頽毀

于孝子祠 在縣南二十里清溪鎮今頽毀

烈女祠 在縣南門外祀李躬娥今頽毀

止水祠 在杏壩黃角扁知縣胡學戴建今頽

毀

關帝祠 在城北知縣侯廷佩修四十六年知

縣吳道美重建拜亭

榮縣

山川壇 在西南城外

社稷壇 在縣西門外

邑厲壇 在北城外

城隍廟 舊在城西成化年間移縣東隆慶三

年知縣張九思增修拓地

來牟土主廟 在縣西五十里祀宋人牟子才

兄弟

玉皇廟 舊在城東有紫極宮碑後移鳳栖山

今廢

武安公廟 在南城外祀漢靖侯龐統知縣張

九思增修

崇仁祠 在縣治東今廢

漢竹王祠 在東河岸祀夜郎王竹多後改立

省耕亭於隙地前

諸儒祠 在縣東學址宋太守晁武建祀宋四

大儒郡人王潛夫尤延之王顛勾龍湜勾龍傳

今廢

太史祠 在鳳鳴岡北祀郡人王元著宋寵光

尤袤分寧黃庭堅今廢

范榮公祠 在桂林街祀范鎮後改爲社學

伍子胥祠 在縣南五十里聞喜橋右祀將軍
伍員士人傳其功靈應屢著今廢

東嶽神祠 有二一在東城外南四十里一在
北三十里今廢

惠民祠 在城南晴雨崖下祀州守趙昱是俗
呼川主者

靈濟祠 在城東十里祀宋勅封玉龍侯

欽定古今圖書集成方輿彙編職方典

第六百三十卷目錄

嘉定州部彙考四

嘉定州祠廟考二
寺觀附

嘉定州驛遞考

嘉定州兵制考

嘉定州物產考

嘉定州古蹟考
陵墓附

嘉定州部藝文一

修城記

明張鵬

九峯書院記

朱廷立

改建宋諫議田公修文書院記

劉江

蜀水記

祝之至

採木記略

毛起

築隄禦水議

陝嗣宗

嘉定州部藝文二詩

夜宿龍吟灘思隱者

唐岑參

初至犍爲作

前人

登峩眉山

李白

峩眉山月歌

前人

峩眉頂

宋蘇軾

虎洞一名少陽一名飛霞

陸游

初到榮州

前人

來熏亭

張覺

前題

楊嘉謨

竹王祠

陳其力

眉山天下秀

范成大

集海雲院

宋郊

訪金釜觀

明黃輝

筠山虎

無名氏

嘉定州部紀事

嘉定州部雜錄

嘉定州部外編

職方典第六百三十卷

嘉定州部彙考四

嘉定州祠廟考二 寺觀附

總志州縣志合載

本州

凌雲寺 在凌雲山一名大佛寺唐開元初僧

海通於水濱石壁鑿一大牟尼像幾就而止貞

元初韋臯在成都乃足成之高踰三百六十尺

飾以金碧覆以層閣元時寺廢明初重建寺麓

有唐放生碑循石磴而上有雨花臺有兜率宮
彌勒石像甚古殿旁兩廡列羅漢十八甚有生
氣殿左岡爲洗墨池最勝東坡洗硯於此有近
河亭立亭上則三峩凝黛水自天來烟波極目
綠野無際此下有競秀亭在佛頂旁浮玉亭在
競秀南俯視澄潭如浮玉今廢殿後有清香亭
東坡題後人重刻亭上爲舊書院今圯書院西
爲浮圖唐時建十三級右爲祖師堂俱兵燬按
總志寺在州治東對江二里

皇清康熙六年按察司李翀霄重修

烏尤寺 一名正覺寺在烏尤山山門旁爲爾
雅臺相傳郭璞入蜀註爾雅於此知州魏瀚建
亭其上名曰曠怡久廢袁子讓重建

東山寺 在聖岡山宋創正統中州人劉洪禹
重建寺有勝會泉泉甘可釀東坡所謂一時付
與東巖酒也又有化龍池澄泓清冽石上刻魚
化龍二字甚古健傳爲東坡書

龍泓寺 一名龍巖寺又名靈巖在九龍泓水

出焉最幽邃名小桃源有寓公樓以祀諸流寓
今圯又有三高亭在寺前今圯寺創於宋明洪
武中重修按總志寺去州治四里壁間有九龍
相傳唐明皇幸蜀時鑄

聖水寺 一名觀音寺在竹溪橋北亦古刹正
統末僧智瑩重修有上下兩院下院佛座前有
井深不可測州人取以祈禳名聖水知州袁子
讓建有聖水潮音坊

洛都寺 在洛都山望九峯山水甚有致

蒼雲寺 在金燈山按總志在治南

古佛寺 與洛都蒼雲二寺俱在安谷鄉

普賢寺 在舊市鄉

玉屏寺 高倍凌雲石磴斗絕

三教寺 與屏玉寺俱在舊市鄉

萬福寺 在高標右翼新創

圓通寺 寶陀寺 無相寺

龍湊寺 俱在平羌鄉

西禪寺 社豐寺 永鎮寺

天池寺 興福寺 俱在保平鄉

天王寺 東坡院 萬峯寺

登雲寺 雲峯寺 觀音寺

彌陀寺 興福寺 俱在蘇稽鄉

寶陀寺 德山寺 俱在符文鄉德山

太平寺 千佛寺 俱在治東

能仁寺 鶴雲寺 按總志俱在治北

萬壽觀 在高標山漸就圯按總志明建康熙七年知州高仰崐重修

道海觀 天慶觀 今俱廢

峩眉縣

報恩寺 在東門內凡習儀皆於此

順水寺 在北門外今廢

大佛寺 在縣東

西坡寺 在縣西一里

慈濟寺 在縣北河岸上

雲慶寺 在縣西北七里環山中昔人多讀書

於此今廢

普慧寺 在縣西北八里今廢

勝水寺 在縣西山十五里

玉屏寺 在縣西山十六里

聖積寺 在了鵝樓

圓通寺 普賢寺 俱在縣北二十里

伏虎寺 在縣西南光明山之上

華嚴寺 卽歸雲寺在花嶺

中峯寺 卽集雲寺在五十二步之上

牛心寺 在雙飛橋南

萬年寺 卽白水寺在峩山康熙四年張巡撫

重修

黑水寺 洪春坪寺 俱在峩山

光相寺 在峩眉山頂

靈巖寺 在縣西

西禪寺 在縣南二十里青龍場西

不到寺 在大峩山下

新開寺 在縣南二十三里

伽藍寺 在綏山下

石龍寺 在綏山上

二郎寺 在綏山下

彌陀寺 在揚鎮塲

棋盤寺 坪前有石常溫在城外東南

古今寺 在縣西南山行八十里中鎮河岸上

飛來殿 在縣西北相傳殿係飛來無可考據

宋淳化間重建元大德間再建明萬曆間重修

藥師庵 在治東南街今廢圮

白衣觀音庵 在城西街內

定慧庵 在縣東大佛寺北

臥雲庵 在峨眉山頂

三教庵 在縣南一里

水月庵 在縣北十里溪水圍繞地形如月因

名

救苦庵 在西北水次門外今廢

月影庵 在城西一里河岸

樂道庵 在縣北二十里

三清觀 即廣福觀在城內西街萬曆丁亥年

知縣宣訓建

峩眉觀 在西南伏虎寺上一名宋皇觀今廢

洪雅縣

聖壽寺 在城中為習儀所

白雲寺 在八局山

天池寺 在蓼頭壩

慈航寺 在白蘋洲舊名三寶王飭易今名

西京寺 在中保壩

阿吒寺 有田公洗墨池

安寧寺 勅賜飛鳳山

福田寺 干坵坪下

義恭寺 在義恭壩

三華寺 在花溪三華鎮

龍潭寺 在小溪

月珠寺 在月珠山

皈正寺 在九勝山麓

慈雲寺 在中峯山

臨江寺 在隱蒙山

龍泉寺 烏尤寺 俱在梔子坪

大士閣 在西城外

萬壽觀 在城西南隅

三清觀 在漏倉山下

迴龍觀 在瀘溪口

真武觀 在真武山

金釜觀 在金釜山白蘋洲聯云瑤池泉出長

生水金釜砂烹不老丹

峽江縣

毘盧寺 在縣北二里雲吟山之下幽敞宏麗

面水負山乃習儀之所宦客遊人每宴集焉

崇聖寺 在縣北五里千佛巖之巔俯矚江流

峻險可愛乃人士遊覽之所今廢止存浮圖

牛仙寺 在縣北三十里傳聞爲異僧所創建

寺時牛用力焉寺成而牛仙去飛昇時蹄跡在

石今存

月居寺 在縣東二十里刹旁多松月照松間

閃爍有致故名

鳴鳳寺 去縣西五里隔青衣江似依鳳岡得名

雲泉寺 去縣東二十里今廢

依鳳寺 在縣西五里化成山之上景最可觀

正覺寺 去縣西南十里突岬江邊頗稱佳景

碧雲寺 去縣西北二十里南安鎮之後

定慧寺 去縣東十五里

金龍寺 去縣東二十里

蟠龍寺 去縣東十里山勢蟠曲故名

中山寺 去縣東北二十里高出羣峯俯視一切

古寺 去縣北十五里曲徑層巒峻極雲表

寶華寺 去縣南十五里

法上寺 在縣南三十里弱馮鎮之上卽皇甫

坦清修處

白龍池寺 去縣東三十里眉郊公地也金陵

無礙和尚卓錫於此蜀王聞其行而禮敬之因建刹焉

靈泉寺 俗名千秋觀在縣西北五里與千佛巖對峙上有白蟹井

黑虎觀 去縣西北五里山水所聚今廢

元陽觀 在縣東二十里山中今廢

問石居 在縣南五里鶴洲之下濱江幽靜常為課士之所

儀鳳閣 去縣南七里平原廣野面依鳳岡故

名新建

犍為縣

資聖寺 在縣西二里即大定山有聖泉故名

資聖在西城外甲申後殘毀康熙元年重修

真覺寺 在城西北為犍為名刹甲申後殿宇將頽今重修

巨那庵 內有古碕新建

興隆庵 新建

沙鳳庵 在縣北三十里

白衣庵 屢建

真武觀 在縣城西隆角池

玉皇觀 在縣南十五里

東嶽觀 在縣南三十里

鐵山觀 在縣東六十里

青山觀 在縣北五十里舊屬榮州名集賢院

上下牟羅殘碑

金山觀 在縣東八十里應臨縣界

三清觀 在縣南五十里鐵爐寺界

斗母閣 在城西隅御史趙稽建今頽毀無存

觀音閣 在北門外關聖祠後今頽毀無存

榮縣

萬壽寺 在城中

千佛寺 在南城外

水月寺 與千佛寺近

舞龍寺 去縣東十里宋勅賜慈雲寺

清水寺 在城南

蓮花寺 去縣南六十里僧習武甲申歲賊兵

焚燬株連各寺

金川寺 在縣南八十里

松林寺 在縣南三十五里

鼎新寺 在縣南四十里

洞雲寺 在縣南六十里

照石寺 在縣南四十里倚溪為寺岸有巨石

日色映之光布四頭故名

天慶觀 在城中

祖師觀 在縣南一里

真如觀 在縣東南一里

希彝觀 按總志去縣東十五里

菩提寺 在舊威遠縣東鳴角山今廢

天皇寺 在舊威遠縣北

五雲寺 在舊威遠縣南

龍興寺 在舊威遠縣東三十里

文峯寺 在舊威遠縣南三十里

寶光寺 在舊威遠縣西四十里

柏林寺 在舊威遠縣北四十里純陽題古柏

叢林

嘉定州驛遞考

總志州縣志合載

本州

凌雲水驛 站船六隻每年修造銀一十二兩
水夫三十六名庫子二名共三十八名每名工
食銀七兩二錢共銀二百七十三兩六錢支應
銀每月二十二兩共銀二百六十四兩館夫今
改廚子六名原編銀五十四兩今議共減銀十
兩八錢每名實編銀七兩二錢共銀四十三兩
二錢每年實用銀五百七十六兩八錢

平羌水驛 站船四隻每年修造銀八兩水夫三十名每名工食銀七兩二錢共銀一百四十四兩支應銀每月七兩共銀八十四兩館夫今改廚子二名原編銀一十八兩今議共減銀三兩六錢每名實編銀七兩二錢共銀一十四兩四錢每年實用銀二百五十兩四錢按季於本州支領

遞運所 馬船一十三隻每隻每年修造銀十兩紅船八隻每隻每年修造銀三兩共銀一百

五十四兩水夫二百八十名每名工食銀七兩二錢共銀二千一十六兩每年實用銀二千一百九十四兩按季於本州支給

凌雲驛陸站 站馬四匹夫二名扛夫六名歲支銀二百四十四兩八錢

嘉定州水站 站船三隻水手六名橈夫一十八名歲支銀四百九十六兩八錢

鋪兵 白巖九溪綿竹青皮普庵茅橋磨池橫梁平羌等十鋪司兵各三名每名工食銀七兩

二錢共銀二百十六兩有閏加銀一十八兩中
渡蘇稽海會古城四鋪司兵各二名工食銀各
七兩二錢共銀三十七兩六錢有閏加銀四兩
八錢州門鋪兵五名每名工食銀七兩二錢共
銀三十六兩有閏加銀三兩內裁白巖九溪二
鋪司兵六名工食銀四十三兩二錢有閏加銀
二兩六錢抵補坍課天啓七年詳允遵照餘照
舊徵支

渡夫 橫梁渡夫四名每名工食銀七兩二錢

共二十八兩八錢有閏加銀二兩四錢府河渡
夫四名每名工食銀七兩二錢共銀二十八兩
八錢有閏加銀二兩四錢雅河渡夫二名工食
銀七兩二錢共銀十四兩四錢有閏加銀一兩
二錢內改一名於小灣渡撐渡外一名銀七兩
二錢有閏加銀六錢查係空閑裁補坍課詳允
遵照尖山渡夫二名每名工食銀七兩二錢共
銀一十四兩四錢有閏加銀一兩二錢蘇溪渡
夫一名工食銀七兩二錢有閏加銀六錢

峩眉縣

界牌鋪 在縣東十里接州界

聖積寺鋪 在縣南三里

程家河鋪 在縣南七里

白答鹵鋪 在縣南十里

青龍場鋪 在縣南二十里入歸化鄉

迴溪鋪 在縣北十里

界牌鋪 在縣北二十里接峽江縣界又云舊

制縣門惠靈迴溪二鋪司兵九名每名工食銀

五兩二錢遇閏加銀四錢三分三釐三毫額編於大糧內扣支

洪雅縣

高巖等渡渡夫七名每名工食銀七兩二錢

三寶寺渡渡夫三名每名各給銀二兩六錢今

裁

修理渡船原編板料銀七兩二錢今裁

峽江縣

舊額應遞馬三十三匹每匹草料銀歲支三十

六兩遇閏加銀三兩馬夫工食銀每名歲支二十八兩八錢遇閏加銀二兩四錢扛夫工食銀每名歲支七兩二錢八分遇閏加銀三錢六分康熙初年設馬四匹後以衝僻通移撤調兼補改爲二匹照安徽裁四之例歲支草料銀四十三兩二錢遇閏加銀三兩六錢馬夫一名歲支工食銀一十七兩二錢八分遇閏加銀一兩四錢四分扛夫六名歲支工食銀二十五兩九錢二分遇閏加銀二兩一錢六分又按總志站馬

四匹馬夫二名扛夫六名歲支銀二百四十四兩八錢

板橋鋪 在縣東十里

羅漢鋪 在縣東二十里

土門鋪 在縣東三十里接眉州界

觀音鋪 在縣南十里

乾江鋪 在縣南二十里

九盤鋪 在縣南三十里

門坎鋪 在縣南四十里接嘉定界

鳳凰鋪 在縣西十里

雙佛堂鋪 在縣西十五里接峩眉界

雙路鋪 去縣北十里

高橋鋪 去縣北二十里接洪雅界又過十里

甫接丹稜

犍爲縣

沉犀驛 驛丞一員每季菜薪銀九兩吏一名

每季銀二兩七錢紙劄茶果銀每月三錢五分

每季一兩零五分每年扣除月小一日不支又

支應銀每月一十五兩每季四十五兩水夫二

十五名廚子二名抄牌夫一名共二十八名每

名每季工食銀一兩八錢

三聖驛 驛丞一員菜薪銀每日一錢吏一名

每日三分紙劄茶果銀每月二錢三分每季六

錢九分每年扣除月小一日不支又支應銀二

十兩水夫三十名廚子一名每名工食銀每季

一兩八錢

下壩驛 驛丞一員菜薪銀每日一錢吏一名

每日三分紙劄茶果銀每月二錢三分每季六錢九分每年扣除月小一日不支又支應銀二十兩水夫二十名廚子一名每名工食銀每季二兩八錢

以上三驛官吏菜薪茶果紙劄並水夫工食本縣止給春夏秋不足冬季各役在本州補領有閏請詳補支

馬二十五匹每匹草料雨具鞍轡人夫工食每匹銀二十一兩六錢共銀五百四十兩閏月各

加六錢

縣門石峒淨江石馬杏壩新窰三聖吟峩紅巖楊柳孝女下壩賴里隆池沙溪三江石牛竹園十八鋪每鋪兵三名共五十五名每名工食銀七兩二錢共銀三百九十六兩有閏各加銀六錢又迎恩三溪羅城南陽石板老馬六鋪每鋪兵一名共六名每名工食銀七兩二錢共銀四十三兩二錢有閏不加

象鼻渡渡夫三名費家渡渡夫二名沙灣渡渡

夫一名孝女渡渡夫三名每名工食銀七兩二錢共銀六十四兩八錢有閏各加銀六錢

水夫二十名每名工食銀七兩二錢共銀一百四十四兩有閏各加銀六錢

募夫五十名每名工食銀七兩二錢共銀三百六十兩有閏各加銀六錢

以上鋪兵渡夫水夫募夫四項俱在條編存留內

陸站 額設驛馬二匹馬夫一名遵照安徽例

除小盡不支每馬一匹日支草料銀六分馬夫一名日支工食銀四分八釐二項每季共該銀一十四兩九錢五分按季赴按察司領給

扛夫六名遵照安徽例除小盡不支每名工食銀一分二釐每季該銀八兩四錢九分六釐按季赴按察司領給其草料工食等項前因錢糧不敷每歲具領赴布政司庫收貯本省及外省協濟銀內請領支給

水站 額設站船三隻水手六名橈夫一十六

名除小盡不支照江南例每名日支工食銀二分二項每季共該領銀四十二兩七錢二分按季赴按察司領給

沉犀驛陸站 站馬四匹馬夫二名扛夫六名歲支銀二百四十四兩八錢

下壩驛水站 站船三隻水手六名橈夫一十八名歲支銀四百九十六兩八錢

榮縣

飛仙鋪 在縣門左

高山鋪 漁子鋪 俱在縣東

觀音鋪 沙灘鋪 羅村鋪

西冲鋪 來蘇鋪 橋頭鋪

賴遠鋪 俱在縣南

白石鋪 筠山鋪 青岡鋪

長山鋪 來牟鋪 竹園鋪 俱在

縣西

石笋鋪 廣教鋪 俱在縣西南

雙青鋪 在舊威遠縣城西十里

餘蔭鋪 在舊威遠縣城西二十里抵榮界

觀音鋪 在舊威遠縣東十里

界牌鋪 在舊威遠縣東二十五里抵富順界

瓦子鋪 在舊威遠縣北十里

紙馬鋪 在舊威遠縣北二十里

嘉定州兵制考

州總

峩眉縣志

按舊志縣西南去為龍池為中鎮為獾狗其地皆蠻種自萬曆十五年大征繕後土司管轄者歸附版圖收為歸化一鄉編立里排每年認納馬價差銀又恢復七盤子等處收其田地設建平彝等堡城池及太平鎮遠等墩遂題將原設本縣主簿一員武職三員兼理把守督領官兵

防禦於附近嘉眉邛雅榮經等州縣抽追工食給散官兵其丈出彝田召民李萬朝等耕種每歲徵租米收貯堡倉以充兵餉自明末變亂之後邊隘失防平彝堡地方陷入蠻地至

皇清定鼎始全設武官衙門分防各隘以峩邊營遊擊統之

峩邊營遊擊一員 太平墩守備一員

歸化堡千總一員 捲木營把總一員

牛漩堡把總一員

馬步兵共四百五十八名其糧餉赴布政司支

領

隘汛凡九處 太平墩 歸化堡

捲木營 牛漩堡 金口墩

楊村堡 靖遠堡 新建營

瓜蘆營

以上九隘皆蠻彝錯處為汛防要地

嘉定州物產考

州縣志合載

州總

穀屬

糯稻 有白金早三百顆花殼紅殼猪脂虎皮

尖刀等名

粘稻 有毛香子百日早老鼠牙蓋草黃黑泥

黃泥等名

粟 有黃沙白沙等名黃者佳可以煮粥亦有
酒粟其殼黑

黍 有酒有飯

蕎 有甜苦春冬四種

麥 有小麥大麥青窠燕麥等名燕麥亦名油
麥惟漂山中種之

豆 有蠶豆黑豆黃豆花腰茶褐箸頭菜豆豌豆等名黃最多黑最少菜豆亦少蠶豆霜降種
清明熟多食令人面黑蓋傷腎也

稷 惟深山中
有之以釀郟筒酒亦作飯
稗 作麪近亦以釀酒頗清苦須和糯米爲之

糯居十之七

芝麻 所產不多

菜屬

蒟蒻 大似南星磨汁灰煮之成塊中元食物
見通鑑注然非蒟醬凡食須令及熟生則戟喉
行疾損真氣

蘿蔔 勝他地老江壩者尤勝大可重數斤又
有紅者其色豔然味不及白

荇蓬 俗名厚皮菠

葱 小者名香葱然亦北方之大者

莧 紅白二種紅者佳

菠稜 近於北地傳種頗長而脆絕勝往時矣

江豆 紅白二種紅者佳

西瓜 勝他種但穰不紅

葫蘆 二種甜者食苦者為瓢

隨坡 俗名猪鼻孔

木屬

塔松 出峩山狀如杉而葉圓細偃蹇如浮圖

松 附郭者皆童然惟遠近山差多而小可作

薪僅有高標數十株

絲栗 實似栗而小如北方榛子亦可食然味

短木似橡可為屋材

青岡 即橡可薪可炭及斧柯

紫荊 其木最堅可作油柞之撞似閩中之轎

竿木

麻柳 葉似椿板可造舟

皂角 牝牡二種牡者不實

茗子 卽野茶可作杵

黃葛 蟠石罅而生不霑土潤多近水

潤楠 黃楠 似真楠而非潤尤不材以爲器

則速蠹

楸 木裏有文如花者名花楸刺者名刺楸惟

深山中有之花楸少極良

杉 無油油者出建昌馬湖

柏 楠 無巨材

竹屬

鴛鴦竹 出峩眉

鳳尾 細而叢生

對青 苦竹類卽所謂金嵌玉也

花屬

辟竇草 出峩眉山光如螢火或隱或見雖夜

其光不掩

蟬花 有青紅二種摘插罇中經久不壞春初

卽開按州志有芷蟬花此云芷花蟬花各異

莎蘿 出峩眉山莎蘿坪每萼數枝多者十餘

枝開共蒂大可尺圍色有大紅粉紅白三種燦爛如錦散滿谷嶼中山僧呼為莎蘿花惟此山有之移之他處則槁而不生

紫薇 二種近紅者佳

賽蘭 卽黃白以染香者

西番蓮 似蕉而小紅色

延景 栽假山上紅者佳隆冬盛開

葵 莖高而花大者不多見

茜草 深山中有的然不見其用惟採取以貨

之他所

向日蓮 有黃白二種

藥屬

黃連 產於山巖人跡罕到之處採者必以藤

繫腰懸於巖上自為升降以覓之然亦不能多

得

三七 俗名見腫消但力薄不及廣中

黃藥 味苦澀取其色易入

貨屬

白蜡 蜡樹似冬青近水買虫他處以清明時用桐葉包裹掛於枝上最忌風雨至孟秋則枝皆似綿矣然盈縮不可必

粗竹紙 俗用以作楮錢

茶 產九峯者佳初出時不異天池然不多率以偽者參入之便惡

酒 釀具苟簡色味不佳惟在外覓方者稍見清辣然亦不可多得

鹽 成餅者不澀散者則否須用竈灰滴去鹵

水乃稍可用

放光石 出蠻地山澗中雨後覓之大者如指

獸屬

狻 食銀杏頗肥而美

羽屬

山雉 喙足俱赤身似鵲尾長可觀

鶴比羊 喙長足赤似鶴而非者

拜天子 似瓦鵲而稍大頭尾俱點如拜者

鴈 前此未有近間一有之少不成陣俗名天

鵝

鬼車 俗名九頭蟲不見形常以夜晦過啾啾作聲里人擊竹器喊聲以逐之俗云滴血或落羽於人家屋上則不利梟及此物與鳳凰並生鱗屬

魚舅 味肥出中鎮河

桃花魚 形小味美備五色三月內水淺處可得

墨頭 以立春後泛子乃盛行漁者以火燭之

輒止味肥美過此時則不然從古有之未必爾雅研池一滴便能染也按總志形如鱣惟郭璞巖前有之世傳璞著書巖上魚吞洗硯之墨故其首黑

鮑魚 在在有之不限時節味佳為諸魚之冠或曰魚舅按總志惟嘉州有之

江團 一名水底羊出江水蕎熟時得之無鱗肥而美然易敗

客朗魚 似鮓魚嫩而美不易得

泉水魚 出沫東似墨魚而小

臨江魚 出臨江溪潔而美大不盈三寸

嘉魚 出青衣水非丙穴之嘉魚不甚佳按總

志每歲三月隨水而下至七月逆水而上

鮠魚 小而無鱗

鰻 一名蛇魚漁者忌之人亦不食

嘉定州古蹟考

總志州縣志合載

本州

龍游廢縣 在州治東南二百五十步洪武九

年改府為州縣併入焉今為遞運所

平羌廢縣 在州治北四十里今為平羌驛

凌雲巖 在州東凌雲寺前一徑沿巖下寬五

尺許平視三峩俯窺二水為一郡勝槩蘇東坡

每載酒遊此有生不願封萬戶侯亦不願識韓

荊州但願身為漢嘉守載酒時作凌雲遊之句

明州守郭衛宸刻蘇東坡載酒時遊處八大字於巖上

放生碑 唐建在凌雲寺前

歌鳳臺 在州治三峩館繪楚狂接輿像

黃花臺 在州治東北二百步

雨化臺 在州治凌雲寺

爾雅臺 在州東烏尤山臨江一臺相傳郭璞

註爾雅於此洗墨池中魚盡黑今此魚惟春初

出遊上不過十里暮春則藏臺下昔人有墨魚

猶自向燈來之句

尊賢堂 在州治西有李白等七人像今爲先

賢祠在

文廟西南

盡心堂 在州治內宋楊王休以一路渠堰源

派鍾泄及西南邊塞堡障道里斥埃繪之壁間

太白亭 在州北十里錦岡山下卽平羌峽太

白曾遊此人爲立亭於上亭廢尚有石斗石鯨

在荒址中又云太白讀書於此

清音亭 在州治凌雲寺九峰坎蘇東坡讀書
之所有東坡書額並邵博小記

競秀亭 在州治西宋陸游詩是邦山水窟領
會得佳處竹葉泝江船春薺隔烟樹亭已久廢
成化中知州魏瀚重修

曠怡亭 在烏尤山絕頂卽景純註易之所

涪翁亭 在州治南宋黃嘗有詩水遶烏尤談
笑外江連洪雅畫圖中魏瀚建今復廢
八角亭 在州學明倫堂後

勸農亭 在州治知州鍾振建

三高亭 在三峩書館內以其面三江之勝故
名

先天閣 在高標絕頂舊有琳宮弘治中知州
瞿剛更今名設伏羲文王周公孔子四聖之座
於其中

大像閣 在州治東九頂山鑿石爲彌勒像高
踰三百六十尺建七層閣以覆之

枕江樓 在州治東宋建左窺龍泓右瞰烏尤

高明爽塏盡得江山之秀

壁津樓 在州治東南隅跨城爲樓下瞰三江

三峩九頂森列左右宋提刑陳謙建

荔枝樓 宋建

萬景樓 在治南宋郡守呂由誠建宋齊愈詩

面瞻北闕三千里俯瞰嘉陽十萬家

景蘇樓 在爛柯洞前知州曹介建

明月樓 在州治譙樓右以明月湖得名

峩眉縣

綏山廢縣 在縣西四十餘里隋升綏山鎮爲

縣唐改屬嘉州宋初省入峩眉縣後地入州境

羅日廢縣 在縣西南九十里許唐麟德間開

生獠置屬嘉州宋初省入縣

神水 卽玉液泉在峩山大峩石下流出淳泓

澄澈味頗清冽石上有呂仙陳希彝題蹟昔智

者禪師居中峯常飲此水後病臥荊州玉泉寺

思此水俄有麗女入禮自稱玉泉龍女曰師思

峩眉水吾能致之師曰果爾吾昔寄一鉢一杖

於彼能與俱來吾始信也已而龍女以師鉢盛水攜杖自玉泉中出師飲而愈始知此水通荆楚

石船 在南日坪下河間從純陽殿向下望之可見

紫芝洞 明弘治年間四川督學王至我眉羅目街言地中有異物掘地果得呂純陽題紫芝洞三字旁註一山吾道人書碑刻筆意奇古迄今猶豎道旁按總志綏山之腰有洞山腰結成

芝形懸洞口上

玉蟬洞 在綏山可容十數人洞壁石色如雲母彷彿見背皆衣縵相傳爲玉蟬尸解處溪下有石刻玉蟬灣三字筆意古勁

孫真人藥臼藥罐 在雙飛橋側觀音閣罐銅質大容數升臼鐵質有六足重二十餘斤製甚古朴

牛心石 在雙飛橋下狀如牛心漱水有聲牛心寺卽以此名

呼應臺 在峩山上相傳唐天寶初孫思邈導行雲至庭墀見元宗求賜武都雄黃勅遣中使往賜山中不知其棲隱處因置之崖上炷香宣詔俄見其形謂使者但留雄黃自取之石上有硃書謝表旋錄旋滅

宋皇觀 在峩山相傳軒轅訪道於天皇真人授九仙三一五牙經處今尚有授道臺

歌鳳臺 在神水上卽楚狂舊廬也明弘治間四川督學王以歌鳳題其祠因以名臺

覩光臺 在峩山絕頂臺東向懸巖萬仞雨後輒有雲氣紛郁而上至巖數丈輒止僧稱爲兜羅錦雲俯視巖腹有大圓光偃臥雲上外暈三重青黃紅綠色相間光中虛明凝湛觀者各自見己形舉手動足影皆隨形然光中惟己形自見同觀者不互相覩也光將現時有鳥鳴若云佛現佛現者因以佛現名鳥

眞景樓 去縣西南五里卽今聖積寺了寶樓門前有古慈福院碑明萬曆壬午年分巡道高

任立按本縣志寺觀內又云了鵝樓未知孰是

水星樓 在城中街因兵燬今存基址

鴈門樓 在縣北二里因兵燬今存基址

峩山真境樓 去縣五里

洪雅縣

廢洪雅縣 在縣西四十五里寰宇記云後周

武帝初立為鎮隋開皇十二年改鎮為縣元并

革為洪雅鄉成化間仍為縣

廢嚴道縣 在瓦屋岡址猶存漢書載鄧通南

安縣人今南安廢屬峽江文帝賜通嚴道銅山
在洪西南境

流杯池 在八面山半吳大郎所鑿

苟王寨 在八面山半懸木梯而下崖上刻唐

宋元避亂人姓名甚多

龜山古祠 在義恭壩石坊上刻龜山古祠四

大字

彝獠誓碑 寰宇記在洪雅市中

張道陵碑 漢靈帝時在洪雅易俗鄉上有嘉

平二年三月一日等字

修文井 洗墨池 俱田錫讀書處

看花臺 卽葛洪煉丹處在花溪江中夏漲不
沒

歇馬臺 在董村山相傳吳大郎歇馬處

眞武臺 在尉廨後

仁者亭 在縣北九勝山額曰靜氣自得知縣

周諮謀建

知者亭 在縣南隱蒙鎮江右知縣周諮謀建

額曰活潑潑地

六遊亭 在月珠寺內知縣楊麟修

桂溪亭 在六遊亭西縣令聞道立建

心遠堂 在聖壽寺後

遺直堂 在縣北正德間知縣楊麟創建

飛仙閣 在三堆山

桂香閣 在學城外

蓬瀛樓 在土主祠前

螽斯樓 在二峩山邑令聞道立建

明月樓 宋建

峽江縣

鶴洲 在縣北二里即三洲之一也虞允文子

方簡卜居洲旁多花竹之勝今廢

南安廢縣 在縣西北十里漢為邑即此今為

南安鄉舊有鄧通故宅今廢

安和里 在縣北三十里元焦豆牛生二犢在

此

龍腦石 在縣西北五里千佛巖下潭中頭角

森然

象鼻巖 去縣北五里與龍腦石相映插入江

濱舟行望之儼然象鼻

花腔鼓 去縣西北五里雙巖並峙儼若鼓然

馬蹄石 在縣西北五里江岸形如馬蹄

酒泉 在治前數武今廢碑刻尚存書係八分

精雅絕倫楊升菴以為漢刻今觀其年號則在

宋淳熙間但半沒不可句讀知者惜之

異文端石 宋太平興國四年邑民王諸得江

石二皆黝質丹文隱起成字一曰君王萬歲一曰趙二十一帝

鳳頭石 昔提學王懋倫識於江濱上有文若鳳頭狀命縣令陸綸寘於學宮今無

古涇口 去縣西北五里昔秦惠王徙秦人萬家於南安思涇水不得飲此似之故名石壁上

有古涇口三大字

牛皮溝 在牛仙寺旁建寺時牛用力為多工成牛仙去溝即牛脫化處也

仙掌洞 去縣西北五里相傳李阿真人飛昇

於此擊掌洞門跡尚存焉今人謂之紫府洞是也其山雲常五色黃居其中邑中有大喜慶則

現跨江而交於千佛巖之巔土人謂之金橋千佛巖 去縣西五里數峯嶄然巖石峭拔唐

人鑄佛以千計西巖瀑布響振林壑白龍洞 去縣東十里古鑄石龍於中遇旱祈

禱輒應

探原洞 張庭讀易之所中有月窟天根四大

字

龐坡洞 去縣西北三十里古善士龐德公夫
婦隱此巖石峭拔曲折幽邃真佳景也洞中深
不可測昔人列炬遊之將十里聞有雞犬水聲
驚怖而反後再無敢入者
虎擘泉 按明一統志在鳳凰山唐契覺道人
結庵於此有虎為之擘地出泉
開道碑 在邑西通蜀郡青衣越嶲道中有漢
和帝永元七年八年等號今碑久失矣

清靜軒 宋高宗隸書清靜二字賜皇甫坦因
以名軒弘治中耕者得一玉印刻曰衛生藥寶
又一藥曰碎以鑄器遇火即為烟矣總志云在
弱馮鎮

大觀軒 在崇聖寺以大觀山為名也

紫君軒 宋南安氏恬憩之所

覽勝軒 在縣西北五里崇聖寺後

超然亭 在靈泉觀內宋于續建

登仙亭 宋縣令張如建

蓬萊閣 在崇聖寺後宋建

水雲閣 在千佛巖明縣令楊可賢建

家慶樓 在弱馮鎮有記魏了翁隸書

望峩樓 縣令葉復茂建

桂華樓 在文昌祠後宋吳宗旦詩金波銀液

泛仙槎妙手梯雲折桂花文閣風吹香滿袖一

枝長近玉皇家

駕說堂 宋縣令楊仲修建

平川堂 正德七年縣令陳光創建張喜重修

同人書院 宋建今廢

平川書院 昔為鄧艾祠後易為書院以造士

後改為忠臣宿公祠今廢

一崖書院 在縣西北五里千佛巖之上宿公

進讀書處石刻今存

探原書院 在縣西五里依鳳寺之左邑先哲

講易於中故名

犍為縣

資官舊縣 在縣西南晉義熙置後省入縣

玉津廢縣 在縣內隋大業間置唐屬嘉州宋初省入縣

沉犀城 在縣南後周保定間築隋開皇間廢應靈舊縣 在縣內洪武初併入縣

子雲舊城 在縣東子雲會居此後人避兵築土城於上

安樂窩 去城南二里邵博宅

鳳凰臺 在縣西北萬曆初知縣徐景元建子雲亭 在治南三十里

榮縣

古榮州 在榮王府右唐貞元二年建今碑移東橋

廢紹熙府 舊州治宋理宗紹定六年二月丁亥陞爲府元末兵燬僞夏建萬戶府碑記略云府治背水面山形勢高爽平林廣阜前後映帶雅稱大邦云按府治旣沒碑文今可見者三一儒學封祀五臣碑末載紹熙府儒學教授宜差從政郎支南榮跋一榮德山磨崖刻判紹熙府

曹公保守記一洞雲寺刻紹熙府榮德縣寺僧
記集州志者謂府無據人因光宗潛邸及登極
改元紹熙誤呼之爾及考其志中載本州便民
事蹟記內云紹熙府自昔二州四縣可為確証
按總志紹興舊府縣西元建遺址今存與紹熙
府異

古南安縣 距縣五十里遺址存

古公井縣 去城南八十里隋開皇三年建宋

紹熙四年併入榮州總志公井舊城在縣東唐

武德元年置元中統元年併入縣

廢和義縣 在城南

廢榮川驛 去城南二里

廢白沙鹽司 在城東

廢銅麻鹽司 去城南四十里

八方琉璃舊井 今為池

槐花井 在城中水清冷異他泉

古流杯池 今沒於堰砌

古郊社基 去城南十里

古穰基 去城東七里

古九域圖碑 在文廟後

榮王舊城 在縣西宋光宗紹熙元年詔以衛國公昫爲皇子賜名貴誠封榮王築城周二百丈元末廢址存

旭川舊縣 隋開皇十年置元中統元年并入縣

嘯臺 在縣東孫登嘯處宋陸游有孫登載酒雲生履之句

釣魚臺 在縣南十里榮川之濱相傳榮隱先生漁於此水中有二大石唐人篆心月磯碑於上今碑移入縣譙樓下知縣王夢魁刻一絲九鼎於石高三丈許

栗亭 在縣南五十里相傳漢縣名無考郡人蔡廉講易於中今廢

一勝亭 在嘯臺右今廢

歸來亭 在雙溪左今廢

龍門亭 在龍洞上今廢

迎恩亭 在縣西今廢

省耕亭 在縣東今廢

賞蓮亭 在縣後今廢

勸農亭 在縣南知縣張九思修今廢

仰高亭 在鳳栖山畔知縣熊大輅建今廢

濯纓亭 在縣南今廢

六合亭 在縣署內今廢

來薰亭 在舊土城內

此君軒 為察院行臺久廢在縣巖後山

講教堂 在縣北五里宋王庠王序讀書之所

今廢

歲寒閣 在縣南真如崖下宋守李燾建今廢

萬景樓 在縣西鳳栖山知縣熊大輅修今廢

清富樓 在縣西城榮王府內宋郡守岑象修

葺今廢

橫溪樓 在縣北三里又名雙溪閣宋學士王

序建今廢

譙樓 唐武德三年建在中街右基高二丈巍

然邑鎮知縣孫欽改為縣

觀仙臺 在舊威遠縣六十里昔有仙遊於此

古碑剝落

護城臺 在舊威遠縣學後

陵墓附

本州及峩眉縣志俱未載

洪雅縣

宋主簿毛朝弁墓 在月珠山後

峽江縣

二楊墓 在縣南二十里漢川鄉地有碑二通

形貌古甚其一鐫漢益州太守楊府君諱宗字

德仲墓道一鐫漢中宮令楊府君諱暢字仲普

墓道俱隸書今石尚存字漂沒不可識按總志

在治東二十里

梁王墓 在縣北三里昔梁武帝封其第十子

蕭信於蜀郡後卒葬此地因名梁王漕

犍為縣

邵伯溫墓 伯溫宋康節邵雍子仕至四川制

置司叅議卒葬於此

榮縣

古周榮彝公墓 在縣南十里

古姬子居墓 在縣北五里

宋衛尉寺丞諡靖公楊見素墓 在縣南二里

宋贈通奉大夫王夢易墓 去縣北四里

賜號廉遜先生諡靖節朝散大夫王庠墓

光祿大夫禮部尚書尤袤墓 去縣南二十里

禮部尚書劉光墓 在縣南二十三里

進士勾龍湜墓 在縣南十二里

朝奉大夫王庭堅墓 在縣南二里

嘉定州部藝文一

修城記

明張鵬

國朝著令郡縣有衛有所始有城蓋要害必屯兵屯兵必設備備無踰城也故有城以爲備餘雖大郡縣弗城也洪雅介在蜀西南邑且小復無屯兵則自昔無城也固宜正德戊辰蜀民起爲盜弄兵潢池竊發萑苻勞重臣而後定然當時有城皆不陷重臣議曰備無踰城也已因便宜下令所司雖無屯兵皆城焉邑有城自此始戊辰迄今踰十年無良有司苟且卒

事雖勞以石弗堅弗完雨至輒圯與無城同也民財力則并竭矣甲戌楊侯來尹茲土周行嘆曰是何以衛民也慨然志於改築徐視其民凋瘵甚焉乃卯育而乳字之既二年瘠者起流者復民庶且豐侯視其力可用矣遂請諸當道或止之曰寇息矣惡乎城侯曰有司之政廢而後寇盜之端起城池之備弛而後寇盜之患長蜀郡縣使始有城寇必不至以至陷也今不城後有急惡乎禦以三川大勢論雅州鄰吐番通南詔蜀門戶也邑去雅州僅百里且據東南上游

獨可無城耶余以其言白當道合辭曰楊令議是侯得請乃窮日夜殫心力經營規畫弗亟弗弛自丙子冬十月始事民負畚荷鍤登登馮馮築杵恐後越丁丑春二月聽民歸耕逮十月復事事如初再踰月告成侯之功不與斯城同罔極耶衆咸曰願勒之庶來者有勸也侯名麒鄧川人起家弘治壬子鄉進士

九峯書院記

朱廷立

柱史雲夢熊子按節嘉定乃與少叅何子僉憲鍾子謀築書院於九峯山其守邾子鼎領之乃今工竣於

古今圖書集成
是訓導蔣瑜者持鼎之牘來請記余曰建學育才國
典有常乃復有書院耶瑜曰九峯有奇勝余曰書院
固以勝耶曰嘉之士且衆學舍弗容士業弗集以渙
散之累也茲之舉學宮之翼也勝其次耳余曰然汝
謂諸子之爲是謀也爲進取者之便耶瑜曰是非所
敢知願教焉余曰不然也夫學覺也士類聚而講說
之求以覺此心焉爾矣是故善學者充吾本然有覺
之心以行於父子君臣兄弟夫婦朋友之間各中其
則是曰正學是曰正道而吾始謂之完人非是之學

不謂之道烏得爲完人耶故曰三代之學所以明人
倫也子謂書院者學宮之翼也其道乃在於是若曰
吾之爲是也將以便民之進取也則士之於家容膝
之地皆能爲之雖學宮可虛也奚書院也歟哉瑜曰
瑜也聞命矣學貴立本功在知要願奉以授之爲書
院記歸以致於邾子余曰然熊子名爵何子名鰲鍾
子名錫稽

改建宋諫議田公修文書院記

劉江

明興聖道中天文教大闢一百六十年薪樵作人之

化士以道德功業氣節文章著者炳炳烺烺遠軼前代也大都涵泳聖真出之修道之教迺覺序之外復有書院率以景祀賢喆彰前迪後助流政教之所未逮國家崇文重道若斯之勤也吾邑洪雅風土靈潔在宋科第櫛比如董氏祖孫父子兄弟蟬聯繼美者十三人其正直立朝光史冊而昭來茲有表聖田公邑故祠公九勝山麓廡櫳園道無有也陝令來守茲土拜公宇下慨然改建而更諸爽塏而慮夫時詘之舉羸也已纍歲課之通計若干緡請兩臺報可且檄

公鏹佐之乃占氣筮良庀材鳩工堂廡閣楔盡依夫子之牆欲下路人之馬祠成而形家者言址在覺宮良垣棟宇翼翼遙與巽土文昌閣相輝映靈運因之益開先是公讀書邑之沙溪寺緇衲有公像在焉垂數百年凜凜有生氣侯迎妥於堂匾曰天下正人曰古之遺直本文正范公文忠蘇公之頌闢其門曰修文書院卽公讀書處名修文山云已率章縫弟子禮數擬釋望瞻仰而興百世之風將所謂周禮盡在魯矣公以太平興國擢進士第二拜左拾遺直史館諫

古今圖書集成
議歷仕兩朝始終以諫諍爲己任朝貴側目人謂宜少晦以遠禍公不移疏凡五十三上不欲藏副示後謗時賣直悉焚之今讀其遺疏十三篇參天地之化關盛衰之運說者方之賈誼未足盡公也當時太宗褒詔優答真宗手集以貽仁宗初趙普爲相令羣臣章奏先封白君臣上下之間庶幾千載一時而惜未究其用也范希文司馬君實蘇子瞻皆一代偉人而仰公正直甚以不得見爲憾想公之精誠正直有橫絕一代而克塞兩間者其修之文也蓋公少負奇氣

博通古今已有擔當世道之志長游長安與昌黎韓丕復棲驪山白鹿觀數年器志大成始出爲世用彼其四十年繕修工力修之意修之身剛大正直之氣固得之定靜安慮之後其修之文也士生其鄉距公幾七百餘年武寥寥焉噫嘻王通以來世無河汾之席鄭莊而後時乏北海之門惟造士有塾塾有期期有課課有高山之仰或亦王之席而鄭之門也侯遷公祠闢爲書院意在斯乎詩曰高山仰止景行行止諸生處有正學出爲正人如田公者踵相接也是侯

古今圖書集成
之所期於今日者也余佩大學揭治國平天下先修身先正心夫子曰人之生也直而子與衍之以直養無害則塞乎天地之間易文言括之曰直言其正也上修此爲教下修此爲學夫士患不正直耳一正而道德備修止矣建天下之事業立天下之氣節煥天下之文章皆是物也曰公以全收之其修之文也歟哉士服膺聖訓豪傑易興願學其學人其人家修廷獻於前詰道德功業氣節文章豈有讓焉前詰爲伍以知斯文之未地也侯功偉矣而侯與田公若脉脉

一心者公出典睦州時車甫下建孔子廟興學造士請天子頒國學賜九經教諸生睦人文遂彬彬盛後事之師師前事之不忘公前作侯後因耶至恢倫堂崇雉牒後先與書院次第舉侯皆不以裨益吾洪者損民而文勾自奉以供茲役也作人棧樸而捍吾圉遠矣大矣宜不一書茲不贅侯名嗣宗號潁湛楚公安人

蜀水記

祝之至

楊升菴云四川以岷江沱江白水黑水爲名江則合

而言之也家語孔子曰江始於岷山其源可以濫觴
及其至於江津不舫舟不避風則不可以涉郭璞山
海經注岷山大江水所出岷山南江水所出岷山北
江水所出夫所謂北江者疑卽中江也其水下流歷
五津過馬頭巖至灩澦合衆派而始大王象之云江
之內水有七曰綿水曰雒水曰湔水曰嘉陵水曰渠
水曰巴水曰涪水出於綿竹之神泉曰綿水古有神泉縣
自紫巖山逕德陽出於什邡之章洛山曰洛水自什
邡入洛分流於永康之湔堰曰湔水逕導江崇寧九

隴濛陽亦入雒三水皆合於雒逕資簡富順至江陽
與江合發於江油之清川逕潼綿東至合州曰涪水
其實自西羌至劔則清川者近言之也中載潼墊二
水升菴云蔡松年補南北史志載吐谷渾酋長阿豺
登其國西疆山觀墊江問羣臣曰此水流更有何名
由何郡國入何水也長史曾和曰此水經仇池過晉
壽出宕渠始號墊江水經注載潼水自華陰縣南入
墊則二水皆合涪也自隋煬改合州爲涪陵移墊江
於忠州桂溪則今之墊江古之桂溪也發源於沔水

之青泥嶺逕巴達之伏虞西南至於渠曰巴水出萬頃池逕明通至渠與巴水合曰渠水兩水既合逕廣安新明至合州與嘉陵涪水合嘉陵水與西漢之發於蟠冢山者至略陽合由廣元昭化過蒼溪與宋江合至保曰閬閬即書之所謂漾也又名白水皆匯於渝城其外水有三曰青衣曰羊山曰馬湖青衣江一名沫江出岷山至榮經與羅夷州水合至雅州與靈關之和夷水合羊山出鐵豹嶺逕嘉定與沫江合祝穆曰天下大川以漢名者有二班固謂東漢西漢而

沉黎之發於飛越嶺者不與焉則羊山亦名漢水也馬湖即金沙江自夷都至敘所謂黑水也沈約宋書曰資江為中江涪江為內江中江即沱江也水經注云沱江開明之所鑿未知果否姑記以俟

採木記略

毛起

洪雅採木之難有七往歲木材多近水次今近者數十里遠者百里山多危峰窮谷古所謂不毛之地夫近則易為力遠則難為功此一難也凡木之產山必穹窿嶽翠黎土深箐方能干霄蔽日備大棟之用然

性多香蠹腐貫伐其十得一二焉以爲幸或有盡一山不成一鍾者此二難也凡木之道越岡度嶺必有飛棧焉巖岩嶽嶽必有偏棧焉凡棧必以巨木爲之下皆以樹實其空竅兩旁拖服廂棧或數十丈百餘丈有遠數十里者此皆浮功浪費難以歲月計此三難也凡木之行釁牲醮酒祈神籲天而後繫纜以挽挽盈數百千人終日不移寸如饑馬之齧草焉或一行數十丈或百丈挽不及趨若有神以相之凡木之登架首有枕木撥木或中架落箐雖盈丈之木勢如

拉朽少有完者幸完則施繳車縷而陟之爲功萬倍盡陸臨江謂之點水千人呼唱以爲幸然江多巨石激浪漩伏盤渦勢不可磯度此始爲成材然爲水所衝折十或減三四此四難也山在蜀西南徼外故邛笮諸夷不格化木商至多予金帛布繒謂之山本錢需酒肉犒勞不時至稍不如意則以革纏縛人於道懸索償值若販賈焉官不爲取其人非死轉鬻他夷無可逃者其夷道皆度索尋臙人跡不至惟土夷慣習跳梁於上甚捷便利刃不釋身與命俱故不敢激

恐爲變此五難也山濃雲淋雨不時至古謂之漏天者也春夏之交瘴癘中人轉相傳染人不敢近病無生理枕藉莫收腐穢之氣達數百里夔魍蛇虺之怪往往而有亦能殺人此六難也鳥道羊腸挽運之夫不可擔簦負戴而行十數鍾致一石以故人食不再飽饑疲勞倦又無室以居蓬木編葉故易蒸沴之疾此七難也斤斧器械諸工匠之費不與焉嗟乎此特言採木之苦耳及至請官視鳩衆僱工轉輸萬里江湖河間或流或連夫動盈億計爲費不貲波濤風雨

諸苦倍出比歸考工之室在廷臣工增秩賜金拱手以享其成誰復言採木之苦者

築隄禦水議

陝嗣宗

縣南岸義和一鄉田廬半沒馮夷先年亦曾議修而迄無長計非以夫役不均偷安偏累則緣布置無策冒用廢時兼之董事者惰穢乾沒而編籍者任意脫漏工之成也何日之有且南岸下市壩一帶沙鬆土薄春不可樹冬不凝冰非有厚土高柵密柳根盤難以固其基非多竹篾纍石縱橫交鎖無以遏其衝非

預勤工備料察田之多寡酌地之近遠而輕重布之俾其勞逸均而甘苦適令人人協心而種種應手終非畫一經久之算亦嘗細察之矣夫以下市有人有田然或田在此而居則在彼有田宅現在本處而稅糧向寄人別里者則編夫要矣逐戶而督之非法也宜以本壩中心爲界近河者以一石田爲夫一名十石有十總百石有百總遠者以一石三斗爲夫一名十三石爲十總百三十石爲百總各挨次編定多者分撥少者幫合總各率其夫夫各勤其力彼近者災

切剝膚遠者患及脣齒有不躍然圖捍者乎則稽田要矣出畝數載魚鱗簿就一鄉有鱗長而各家歸戶冊與塘堰水分簿至較然也且令人各報其用人共覺其隱照種認夫照行口認隄仍各插簽爲界畫界砌築而廣狹高卑有定程也什百丈尺有實數也卽狡黠者欲就中盈縮推諉而所睹記田畝者最確誰任那移而不各凜凜畢事者乎則辨用要矣河流湍急河口寬狹會須於應塞處丈量明白仍各分差等而計其什用度木欄若干竹篾若干仍共稽編夫若

千何戶幾總幾夫何人幾竹幾木何竹木幾錢幾分
按田糧之實數而次第程之不分士民亦不分城市
村鎮誰無思患豫防而各有備無患之具乎則擇人
要矣然夫雖編而不無暗銷希免混頂躲避者田既
察而又不無欺詭增減者辨用物料雖布置而又恐
有賄脫不理墮累難承者爲今日計工責在長吏所
爲巡行監督日日而程之人人而稽之則佐領方終
日兀坐無一事何靳於拮据而不悉心力以董率且
合邑猶有公直廉能之義民保長在選擇而令集事
是亦可效一臂而濟緩急之用無虞獨拍不響獨力
難成矣至夫從中壩大河沿邊取土就湮沒故道用
船運石是疏其流轉其衝塞之易易耳若自城西北
外始修文山至節峨渡等處爲邑城防東南外由下
壩至關祠前爲附郭防皆近二百丈士民併力築之
庶幾免削割之災乎

嘉定州部藝文二
夜宿龍吟灘思隱者
唐岑參

嘉定州部藝文二 詩

夜宿龍吟灘思隱者

唐岑參

官舍臨江口灘聲已慣聞
水烟晴吐月山火夜燒雲
且欲求方士無心戀使君
異鄉那可住況復久離羣

初至犍爲作

前人

山色軒檻內灘聲枕席間
草生公府靜花落訟庭閑
雲雨連三峽風塵接百蠻
到來能幾日不覺鬢毛斑

登峩眉山

李白

我在巴東三峽時西看明月憶峩眉
月出峩眉照滄

古今圖書集成
海與人萬里長相隨黃鶴樓前月華白此中忽見峩
眉客峩眉山月還送君風吹西到長安陌長安大道
還九天峩眉山月照秦川黃金獅子承高座白玉塵
尾談重泉我似浮雲滯吳越君逢聖主遊丹闕一振
高名滿帝都歸時還弄峩眉月

峨眉山月歌

前人

峨眉山月半輪秋影入平羌江水流夜發清谿向三
峽思君不見下渝州

峨眉頂

宋蘇軾

膠西高處望西川興在孤雲落照邊瓦屋寒堆春後
雪峩眉翠掃雨餘天

虎洞

一名少陽一名飛霞

陸游

空山秋高木葉黃茫茫百草凋秋霜透迤深谷白晝
靜群鴉競噪衆鳥翔洞中有虎何猛烈牙如利刀爪
如鐵奮髯掉尾初出穴昂頭四顧吐其舌雙睛忽動
飛電迴層崖長嘯陰風來山中藜藿誰敢採野外狐
兔皆悲哀嗟虎之猛有如此自是貪殘日無已豈無
壯士裴將軍彎弓射之殄其類方今上有明聖君廣

愛民物懷深仁推誠不但祝羅網登用牧守需賢人
四郊無事民安堵有若劉琨多善政嗟虎雖猛當如
何胡為飲泉卷之阿明當負子東渡河

初到榮州

前人

亂山缺處城樓呀雙溪冉冉晚吹笳烟深綠樹臨絕
壁霜落淺瀨鳴寒沙廢臺已無隱士嘯遺宅尚有高
人家鈴齋下榻約僧話松陰枕石放吏衙杯羹最珍
慈竹笋瓶水自養山薑花地爐堆獸熾石炭瓦鼎號
蜩烹秋茶少年遠遊無百里一饑能使行天涯豈惟

慣見蓬雪資直恐遂泛星河槎故巢肯作兒女戀異
境會向鄉關誇一杯徑醉幘自墮燈下髮影看婆娑

來熏亭

張覺

嚮明軒檻滿烟雲延得薰風似故人愠解為宣虞帝
化南來不是庾公塵林深蘭芷香先到地勝溪山影
亦新不必常揮謝安扇自揚仁德在斯民

前題

楊嘉謨

亭枕古城隈軒牕四面開頽條宣帝化與利阜民財
吹見棘心盛生從蘋末來熙熙目前景止此是春臺

竹王祠

陳其力

何處仙橋是渥洼天生龍種亦奇哉
浣紗人去溪流在封竹祠非世事
乖芳譽至今傳姓字遨遊不用索
形骸人間回首閑雲鶴賦就東風入醉懷

眉山天下秀

范成大

大峩兩山相對開小峩迤邐中峩來
二峩之秀甲天下何須涉海尋蓬萊
昔我登臨彩雲表獨騎白鶴招青鳥
石龕石洞何參差時遇仙人拾瑤草
丹崖瀑布連天河大鵬圖南不可過
晝昏雷雨起林麓夜深星

斗棲巖阿四時青黛如綉繪岷嶓蔡蒙實相對
昔生三蘇草木枯但願再出三蘇輩

集海雲院

宋郊

地勝祠仍古春餘物徧華山雲時抱石佛
雨不萎花嶺狹梯樓峻巖牢殿城斜淙谿
雜環珮怪蔓走龍蛇供坐僧飛鉢香園
客戲沙吾游真草草深意寄青霞

訪金釜觀

明黃輝

珠樹分苔徑瓊泉遶石臺樓看青澗沸
帳對碧桃開燭影尊前合鐘聲枕上來
浮丘何日到相約幾徘徊

筠山虎

無名氏

筠山高極入穹蒼人道虎爲殃人行過此不曾傷咸陽宮闕在平地高鹿食人無數記吁嗟苛政猛於虎斯言垂萬古

嘉定州部紀事

州志漢李雄之季父驤引兵屯南安江上以斷羅尚運道犍爲太守龔恢與戰死之

隋趙昱青城人與道士李珏遊累辭徵聘後煬帝徵爲嘉州太守時州有蛟爲害昱令民募船數百率千餘人臨江鼓噪自被髮仗劍入水有七人亦被髮仗劍隨之天地晦暝少頃雲霧斂收七人不復出惟趙昱左手持劍右手提蛟首奮波而出河水盡赤蛟害遂除開皇間挈家入山蹤跡不復見後有運餉者見

古今圖書集成
豈乘白馬引白犬一童子腰弓挾彈以從騶從如平生焉唐太宗封爲神勇大將軍廟祀灌口明皇幸蜀進封赤城王宋張詠治蜀蜀亂詠禱祠乃得神助蜀平事聞封川主清源妙道真君今所祀川主者是此人咸謂川主祀秦蜀守李冰而李冰實無川主事焉唐李德裕征吐蕃舊例嘉州水運期以六月至軍前暴漲時死者亡算德裕改邛雅陸運接濟嘉餉至秋深乃發多所全活

唐懿宗咸通十年十一月吐蕃寇雋州踰雪嶺渡沐源川大掠至嘉州集九頂山州城陷刺史楊恣遁去五色線歐陽彬爲嘉州刺史喜曰青山綠水中爲二千石作詩飲酒爲風月主人豈不佳哉

州志昭宗大順元年四月嘉州刺史朱實舉州降於王建舊志以爲文宗且其年號曰龍化安得有龍化惟昭宗有龍紀年耳距文宗六十三年王建尚未生也

景福元年二月王建遣族子嘉州刺史宗裕將兵滅城武節度使楊晟於彭州

古今圖書集成
宋太祖乾德四年全師雄黨呂翰據嘉州水陸轉運使曹翰攻之呂賊走復結衆圍城期以夜三鼓進兵曹謀知之戒掌漏者止擊二鼓賊衆不集乃潰曹追及大破之

太宗至道元年王小波之亂其黨張餘攻陷嘉戎等八州西川行營衛紹欽楊瓊等復之至是餘戰敗走嘉州爲軍士所獲

都統王夔素殘悍綽號夜叉恃功驕恣所至劫掠蜀人苦之余玠帥蜀過嘉定夔率所部迎謁故匿其精

銳玠詰之對詞頗不遜須臾盡出其軍江上班聲如雷江水爲沸器械犀利旗幟鮮明舟中皆失色而玠自若也徐命吏頒賞夔始心服曰儒者中乃有此人哉是夜玠與親將楊成謀誅夔計定名夔議事潛以成代領其衆衆素苦夔亦遂貼然夔至乃斬之今高標山小玉皇殿後相傳爲王夔塚

理宗景定四年七月知嘉定府洪濤上言新繁縣御容殿前枯木再榮適有順化人楊嗣光奉列聖遺像來歸

度宗咸淳七年嘉定府城震者三詔金錢令咎萬壽城嘉定諸要害以備蒙古

恭宗德祐元年安撫使咎萬壽以三龜九頂紫雲諸城降於元都統侯興死之

元末明玉珍養子三奴攻嘉定城陷守臣完者都朗革仄皆遁走獨行省參政趙資守凌雲山奴執其妻子以招資資曰痴婦不死何爲汝不見平章婦乎蓋指朗革仄之妻成都陷時赴水而死也遂引弓射殺妻援絕亦遁去會二人於龍州謀興復爲邏者所獲

玉珍欲用之不可會有訛言斬之蜀人稱曰三忠

城西北隅水次門外舊有白鶴潭深數十丈潭中有龜大如箕每浮水面卽有投河者城居民家或以忿鬪輒投水間有無知童稚無故迷惑自投者明萬曆間縣令某於岸上置小刹名救苦庵內募二三僧人輪次守望以援溺者然亦不能盡救之後縣令江某率縣人千人以石填之患始息

天啓四年峩眉仲秋朔夜縣北鐵橋河忽大水聲甚救苦庵僧驚起見水中如一炬並行光燭兩岸僧懼

古今圖書集成
亟伐鼓鐘光佇片時水湧數丈漂沒河岸數百家河
岸崩決自此始

嘉定州部雜錄

後山談叢嘉州舊產紫竹楠榴櫻木等仕於蜀者競
採之以爲器人甚苦之吳中復作嘉陽四詠詩以悼
之

蜀都雜抄蜀中山水稱嘉定自古名人寓居其間漢
則揚子雲晉則郭景純唐則李太白宋則蘇東坡黃
山谷晁公武

咸淳間文尚忠字敦詩隱居峽江愛邑西江山之勝
並大觀堂築二亭前臨翠嶺下瞰大江暇則擊鮮治

具招避地名勝相與登臨觴味爲樂

嘉定州有鳥一名山和尚一名雨道士堪作對偶按雨道士州志所載是水道士對山字更工

揚雄曾寓此城西一里有揚雄山石洞幽邃

王勃春思賦云旅寓蜀巴浮游歲序又云北來作客住臨邛則泥谿麻坪之詩確矣

飛來廟基古名隴鼻頭山相傳自唐時飛來世遠無攷但按淳化景祐斷碣略云廟址神所自擇常一夕有風雷之變遲明有殿巍然因有飛來之名云來時

過丹稜遺一枋今其地有弔枋池人每見枋浮水面少頃復沒而此殿後柱果缺一橫枋後屢有補之者竟不克成門外有石二圍約三丈高六尺餘上有門限痕跡當年曾有鐵鑄門限人不敢進進者輒迷惑禱祀者不敢近廟在一里外望廟而祀迄今地名紙錢街謂焚楮於其地也後某縣令識其廟之凶由門限率縣民將鐵門限撤去人始得進廟卽以鐵鑄四牛爲山溪橋墩迄今猶以鐵橋河名卽其遺事也蘇子瞻云自慶曆皇祐以來蜀始創筒井園刀鑿如

碗大深者數十丈以巨竹去節牝牡相銜爲井以隔橫入淡水則鹹泉自上又以竹之差小者入井中爲桶無底而竅其上懸熟皮數寸入水中氣自呼吸而啓閉之一筒致水數斗按此鹽井取水之法至今猶然人但知食鹽而不識其法之所自始故附載之

蜀中廣記云平羌縣本漢平羌戍在榮州應靈縣界則榮州當日一州轄六縣可信已

春明夢餘錄峩眉抵鎮西新開路自峩眉縣至箭坪公館金口堡獾狗公館入水路至嘉定自嘉定至板房堡一碗水堡龍溪溝溪木坪公館麻溝堡舒快公館小菩薩堡不一百五六十里至鎮西

嘉定州部外編

嘉定志宋太平興國七年嘉州通判王袞奏住峩眉山提點白水寺忽見光相寺西瓦屋山上皆變金色有丈六金身次日午間有羅漢二尊空中行坐入紫色雲中

明初凌雲寺鳴洪鐘一夕大雷雨掣鐘去墜於淵蓋龍宮惡聞之也至今不敢大聲撞焉

明初州人鄧志德號梅雪道人世工畫尤善塑今凌雲諸像皆出其手志德每作畫必閉室靜坐雞犬皆

遠之如是者數日而後下筆嘗畫一鍾離有客館其
家窺見此仙晨出而暮返懇得之獻於藩府得百金
云

正德辛巳有丐者夫婦弄猴覓食寓白塔山一日丐
夫死瘞之塔旁猴日夜守而號亡何丐婦又招一夫
猴起擲揄之令之作技不應鞭之入夜走先丐瘞所
號而死

